

# საბავ

№9  
სექტემბერი  
2010

საქართველოს კათოლიკეთა ყოველთვიური მაცნა



# საერთო პასუხისმგებლობა სამყაროს წინაშე

მექსიკის ყურეში, კომპანია Bp-ის British petroliumi კუთვნილ ნავთობისა და გაზის ქაბურღილზე ახლახანს მომხდარი ავარია ჯერ კიდევ ეკოლოგიური კატასტროფით ემუქრება მთელი მექსიკის ყურეს მისისიპიდან ფლორიდამდე. ადამიანები მთლიანად მობილიზებული არიან ზღვაში ნავთობის დიდი შავი ლაქის გასაწმენდად; მობილიზებული იყვნენ არა მხოლოდ კატასტროფაზე ძირითადი პასუხისმგებლები ამავე კომპანიიდან, სანაპირო ზოლის დაცვა თუ სხვადასხვა სამთავრობო ორგანოები, არამედ უამრავი რიგითი მოქალაქე, ყველა თავ-თავიანთი შესაძლებლობით; მათ ერთი სურვილი ამოძრავებდათ — საკუთარი შრომითა და უნარით მომავალი თაობებისათვის გადაერჩინათ მათივე მიწა. დღევანდლამდე მთელი ერი მოვლენათა კურსში რჩება; ხალხს არ სურს, გულხელდაკრეფილი იჯდეს და თუნდაც ათასობით კილომეტრს იქით მომხდარ ფაქტს აუღელვებლად უყურებდეს.

იყენებენ საუკეთესო ტექნოლოგიებს, როგორც ოკეანის ფსკერიდან ნავთობის ნაკადის ამოსატუმბად, ასევე დაბინძურებული ზღვის ტალღების შესანელებლად; სანაპირო ზოლზე დროდადრო გამოჩნდებიან ხოლმე მინისტრები, გამოჩენილი საზოგადო მოღვაწეები და რიგითი მოქალაქეები, რადგანაც ყველას სურს ვითარებაში გარკვევა: პოლიტიკოსებს, მეცნიერებს, მრეწველებს; საქმეში ყველა ჩაება და თანაც დიდი ენთუზიაზმით; მაგალითად, მებაღურები ეუფლებოდნენ მეთოდს, თუ როგორ გადაესროლათ ხელოვნური პლასტიკური ბარიერები; რიგით მოქალაქეებს, მოხუცებსა და ბავშვებსაც კი შეჰქონდათ წვლილი ავარიის შედეგების აღმოფხვრაში: ისინი თმებს სწირავდნენ;... დაახ, შეიძლება ეს სასაცილოდ მოგეჩვენოთ, მაგრამ იგი სჭირდებათ იმისათვის, რომ ზღვაში გაჩენილი ნავთობის დიდი ლაქა გაიწოვოს (ნეილონის წინდებში ტენიდნენ თმებს და გადაბმული სოსისების ეფექტით ცდილობდნენ, მასში მოექციათ ლაქა, რომელსაც გაიწოვდა თმა). თმა, თავისი ფიზიკური მონაცემების წყალობით, ღრუბელივით იწოვს ლაქას; სწორედ ესაა ამ მეთოდის უპირატესობა.

370-ზე მეტმა სილამაზის სალონმა შეაგროვა ბუნებრივი თმა და 185 ათას კგ.-ზე მეტი გაუგზავნა მექსიკის ყურის ადმინისტრაციას. ეს სოლიდარობის მხოლოდ ერთი ნიშანი იყო, რომელიც ამ კატასტროფამ წარმოშვა. ობამას ადმინისტრაცია, რომელიც კრიტიკის ქარცეცხლში გაატარეს, შეეცადა სპონტანურად ემოქმედა და სანაპირო ზოლის ადმინისტრაციას თავისი თანადგომა გამოუცხადა, აქვე, Bp-ს მოსთხოვა ხარჯების დაფარვის სრული გარანტია. ვაშინგტონში უკვე ამზადებენ კონგრესზე გასატან კანონს, რომელიც შეეცდება ეკონომიკურ განვითარებასა და ბუნების დაცვას შორის ნონასწორობის მიღწევას: ლიმიტი დაედება გაზის ემისიებს, რომლებიც წარმოქმნიან სათბურის აირების (Greenhouse gases) ეფექტს (აღსანიშნავია, რომ 2009 წლის ნოემბერში ის უკვე 7%-ით შემცირდა), ბუნებრივი ენერჯის სხვა წყაროების მოძიებით, როგორცაა მზისა და თვით ატმოსფეროს მიერ გამოყოფილი ენერჯები, მიიღება ზომები

ატლანტიკის სანაპირო ზოლზე ნავთობის სხვა ახალი პლატფორმების გასახსნელად. რა დაგვანახა მექსიკის ყურეში, ნავთობჭაბურღილზე გამოწვეულმა ავარიამ? ამერიკის სხვადასხვა რელიგიური კონფესიების წარმომადგენლები ცდილობდნენ, ერთობლივი ძალებით შეესწავლათ ამ დიდი კატასტროფის სავალალო შედეგები, ელოცათ და აელოთ ვალდებულებები მის აღმოსაფხვრელად; თუ მაშინ, როცა კატრინის ქარიშხლმა (ხუთი წლის წინ) მთელი ახალი ორლენი მოიცვა, გამოჩნდნენ ადამიანები, რომლებმაც იგი იქ ჩატარებული გეების აღლუმისა და გართობის გამო მოვლენილ ღვთის რისხვად ჩათვალეს, ისევე როგორც წყალდიდობა, რამაც პაკისტანი დააზიანა ამ ზაფხულს, თუნდაც ჩინეთის მიწისძვრა,... ან რუსეთის ხანძარი (უცნაური კია, მაშინ როდესაც საკუთარ სახლში ხანძრების ჩაქრობითა დაკავებული, სხვა ქვეყნებში ცეცხლის ალს აღვივებს!), რომელიც ამავე ქრილში იქნა დანახული (თავის დროზე მოსკოვის პატრიარქმაც ეს აზრი დააფიქსირა ჰაიტის მიწისძვრის შესახებ), ამჯერად ცდილობენ, წინა პლანზე წამოსწიონ თავისუფალ ბაზარზე დამყარებული უდიდესი ნდობა (ბაპტისტური ეკლესია) და ის ფაქტი, რომ ეკოლოგიური მოვალეობა მხოლოდ რამდენიმე მოხალისეს ანაბრად არ დარჩეს. თავის მხრივ, კათოლიკე ეპისკოპოსები წერენ, რომ „ღმერთი მოგვანიჭებს სიბრძნესა და ძალას ამ რთულ ყამს, და გამოიძებნება დროში გახანგრძლივებული მეთოდები, რაც მთელი მსოფლიოს საერთო კეთილდღეობისთვის იქნება გამოყენებული“. ებრაულ სამყაროში გავრცელდა აზრი, რომ ნავთობის ჩალვრის ტრაგედია „მოსალოდნელი გახლდათ. მიზეზი გასაიდუმლოებული არაა და ის არც ზეცაში უნდა ვეძიოთ, იგი Bp-ს ოფისებში, მომხვეჭელობის ეთიკით შეპყრობილ მთავრობაში უნდა მოვიძიოთ... თუკი კაცობრიობას თვითგადარჩენა სურს, მოვალეა, უფრო მეტი პასუხისმგებლობით იცხოვროს!“ – უნდა ვაღიაროთ, რომ ეს სიმართლეა; ასეთივე სურვილს გამოეხატავთ ჩვენი ქვეყნის მიმართაც, სადაც ყველაფრის ფასად ცდილობენ სიმდიდრის მოხვეჭას და ვერ აცნობიერებენ, სინამდვილეში რა შეიძლება, უფრო მეტად ფასობდეს. პროგრესი, განვითარება, ერების, ქალაქების, ოჯახების აღორძინება არ უნდა მოხდეს ადამიანებისა და ბუნების ხარჯზე; დედამიწაზე იოლი გზებით სამოთხის შექმნის მცდელობა ყოველთვის მეტყველებს წარმავლობაზე, უსამართლობაზე, ილუზიაზე. ცხადია, ბუნებრივი კატასტროფები არ უნდა მივიჩნიოთ სამყაროს აღსასრულად, ანტიქრისტეს მოახლოების ნიშნად, რაშიც ზოგიერთები იოლ პასუხებს ეძებენ და ცდილობენ პასუხისმგებლობის თავიდან აცილებას, ნაცვლად იმისა, რომ დაფიქრდნენ იმ მოვალეობაზე, რაც ადამიანებს უნდა გააჩნდეთ დედამიწის, თავიანთი ცხოვრებისა და ბუნების წინაშე. მაშინ ვითომ კატასტროფებით გამოწვეული დედამიწის აღსასრული აღიქმება არა აგონიაში მყოფის ოხვრად, არამედ ყვირილად იმ ახალი სიცოცხლისა, რომელიც სამყაროს ევლინება.

მამა ბაბრიელი ბრაბანტინი

# ბერმანიაში ინტერელიგიური დაწყებითი სკოლა გაიხსნება

ქალაქ ოსნაბრიუკის კათოლიკე საეპისკოპოსოს ინიციატივით ქალაქში დაარსდება ინტერრელიგიური დაწყებითი სკოლა, რომელშიც ქრისტიანობის, ისლამისა და იუდაიზმის საფუძვლები შეისწავლება. „ჩვენ მულტირელიგიურ საზოგადოებაში ვცხოვრობთ და, განსხვავებათა მიუხედავად, ამ რელიგიებს ბევრი საერთო აქვთ. გვინდა, რომ ებრაელმა, მუსლიმმა და ქრისტიანმა ბავშვებმა და მათმა მშობლებმა ერთად აღნიშნონ რელიგიური დღესასწაულები“, — აღნიშნა ოსნაბრიუკის საეპისკოპოსოს წარმომადგენელმა. ახალი სკოლა 2011 წელს გაიხსნება იოანე მახარებლის სკოლის ბაზაზე. დღეს ამ სკოლის მოსწავლეთა დიდი ნაწილი კათოლიკეა, თუმცა სხვა კონფესიების წარმომადგენელთა რიცხვი ყოველწლიურად მატულობს.

# პირველი ავსტრალიელი წმიდანი



უწმიდესმა პაპმა ავსტრალიელი მონაზვნის, მერი მაკკილოპის კანონიზაციის შესახებ აუწყა. 17 ოქტომბერს ნეტარი მერი მაკკილოპი წმიდანთა რიცხვს შეუერთდება. 1866 წელს 25 წლის მერი მაკკილოპი მონაზვნად აღიკვეცა და „უწმიდესი გულის წმიდა იოსების დების“ კონგრეგაცია დააარსა. მთელი თავისი შემდგომი ცხოვრება მან გაჭირვებულთა მსახურებას მიუძღვნა. კონგრეგაციის დაარსებიდან უკვე ერთი წლის შემდეგ, დების ღვანლით ავსტრალიაში გაიხსნა პირველი კათოლიკური სკოლა, ქალთა თავშესაფარი და მოხუცებულთა სახლი.

1871 წელს (ამ დროისთვის ავსტრალიის სამხრეთ ნაწილში კონგრეგაციის ინიციატივითა და ღვანლით არაერთი დაწყებითი სკოლა და საქველმოქმედო დაწესებულება მოქმედებდა) ადგილობრივმა ეპისკოპოსმა შეიღმა მერი მაკკილოპი ეკლესიიდან განკვეთა. მისი აზრით, მერის საქმიანობა ძალზე თამამი იყო და იგი „დებს დაუმორჩილებლობისაკენ უბიძგებდა“. თუმცა გარდაცვალებამდე რამდენიმე ხნით ადრე, შეილი მერი მაკკილოპს შეხვდა და სასჯელისგან გაათავისუფლა იგი. მოგვიანებით საეპისკოპოსო კომისიამ შეისწავლა ეს ინციდენტი და სრულიად გაამართლა მერი. ხელმძღვანელის განკვეთის მიუხედავად, მთელი ამ დროის მანძილზე კონგრეგაცია მოღვაწეობას განაგრძობდა. მრავალი სკოლა დაარსდა მათ მიერ ახალ ზელანდიასა და სამხრეთ უელსში. 1902 წლიდან გარდაცვალებამდე (1909 წ.), ინსულტის გამო პარალიზებული და ინვალიდის ეტლს მიჯაჭვული, მაგრამ მაინც მხნე და დაუცხრომელი, მერი მაკკილოპი მსახურებას განაგრძობდა. ბეატიფიკაციის პროცესი 1925 წელს დაიწყო. მრავალი წლის მანძილზე საგანგებო კომისია შეისწავლიდა მერი მაკკილოპის ცხოვრებასა და მოღვაწეობას. 1995 წელს იოანე პავლე მეორემ იგი ნეტარად შერაცხა. ამის შემდეგ წმიდა საყდარმა აღიარა ნეტარი მერი მაკკილოპის მეო-

ებით მოხდენილი ორი სასწაულებრივი განკურნება. ერთ-ერთი განკურნების შესახებ სააგენტო ABC News მოგვითხრობს. ეს ფილტვებისა და ტვინის სიმსივნით დაავადებული კეტლინ ევანსის ისტორიაა. არც ერთი კერა არ ექვემდებარებოდა მკურნალობას. „ბევრ ექიმთან გავიარე გამოკვლევა, იმედი არავის მოუცია და არც რაიმე მკურნალობა ჩამტარებია. მაშინ ლოცვით მივმართე მერი მაკკილოპს. ასე რომ ჩემი განკურნება მხოლოდ სასწაულთა აიხსნება და მე მჯერა ამ სასწაულის“, — თქვა სააგენტოსთვის მიცემულ ინტერვიუში კეტლინ ევანსმა.

# ეკლესიის კუთვნილი სამედიცინო დაწესებულებები საერო საავადმყოფოებზე უფრო ეფექტურია

ამ დასკვნამდე მივიდნენ სააგენტო Thomson Reuters -ის სპეციალისტები, რომელთაც აშშ-ს 255 სამკურნალო დაწესებულება გამოიკვლიეს. კათოლიკე ეკლესიის თუ სხვა რელიგიურ თემთა კუთვნილი საავადმყოფოების საქმიანობა უფრო ეფექტურია, მომსახურება უფრო ხარისხიანია, ვიდრე საერო სამკურნალო დაწესებულებათა საქმიანობა. დასკვნები გაკეთდა ისეთი მაჩვენებლების საფუძველზე, როგორცაა პაციენტთა სიკვდილიანობის რიცხვი, ქირურგიულ ჩარევათა შემდგომი გართულებები, პაციენტის ხელახალი ჰოსპიტალიზაციის აუცილებლობა, მკურნალობის ხანგრძლივობა და სხვ. აშშ-ში კათოლიკე ეკლესიას 624 სტაციონარული და 499 ამბულატორიული დაწესებულება ეკუთვნის. „როდესაც თქვენი მსახურების საფუძველი იესოა, ხარისხიც მხოლოდ უმაღლესი შეიძლება იყოს. ამ კვლევამ კიდევ ერთხელ დაადასტურა ის, რაც ისედაც ცხადია ყველასთვის: ეკლესია ყველაზე ეფექტური მკურნალია“, — აღნიშნა აშშ-ს ეპისკოპატის პრეს-მდივანმა, მონაზონმა მერი ენ უოლშმა კვლევის შედეგებზე საუბრისას.

# ჩინეთის „ოფიციალური“ და „ნათაქვემა“ ქრისტიანები

ჩინეთის მთავრობის მიერ ჩატარებული კვლევის მონაცემებით ქვეყანაში დღეს 23 მილიონი ქრისტიანია. ჩინელ ქრისტიანთა უმეტესობა პროტესტანტია. კათოლიკეთა რიცხვი დაახლოებით 6 მილიონს აღწევს. აღრიცხვის მონაცემებით, ქვეყანაში 55 000 ქრისტიანული ტაძარი და სამლოცველოა. მორწმუნეთა უმრავლესობას, დაახლოებით 70%-ს, ქალები წარმოადგენენ. უნდა აღინიშნოს, რომ აღრიცხვა შეეხო მხოლოდ ჩინეთის მთავრობის მიერ ოფიციალურად აღიარებულ ეკლესიებს. ექსპერტთა აზრით, „ნათაქვემა“ ქრისტიანთა რიცხვი გაცილებით დიდია და, სავარაუდოდ, 50 მილიონს აღწევს. „დროთა განმავლობაში ჩინეთის ქრისტიანთა რიცხვი გაიზრდება. ჩინეთი ათეისტური ქვეყანაა და ქრისტიანთა დევნითაა ცნობილი, მაგრამ ღმრთის



განგებულება ჩინეთშიც გამოვლინდება“, — აცხადებს ცნობილი ჩინელი ეკონომისტი, კომპარტიის ყოფილი წევრი სიაო ჩუაო, რომელმაც ცოტა ხნის წინ ქრისტიანობა მიიღო. თავის სტატიის „საბაზრო ეკონომიკა ეკლესიასთან ერთად და ეკლესიის გარეშე“, იგი ასკვნის, რომ ამერიკის ეკონომიკა ქრისტიანული ზნეობის გამო ყვავის და ჩინეთის ეკონომიკის სამომავლო წინსვლაც ქრისტიანობის გავრცელებაზე დამოკიდებულია.

### „მოგვეცით მშვიდობა და უსაფრთხოება“

„დღეს ერაყი უარეს სიტუაციაშია, ვიდრე შვიდი წლის წინ, როდესაც ქვეყანაში ამერიკის ჯარი შემოვიდა. როდესაც საჯარისო შენაერთები ქვეყნიდან მიდიან, მათ მშვიდობა და უსაფრთხოება უნდა დატოვონ, ჩვენ კი მხოლოდ ომის ნეგატიური შედეგები დაგვრჩა“, — განაცხადა ბაღდადის ეპისკოპოსმა შლემონ ვარდუნიმ ერაყიდან ამერიკის საჯარისო შენაერთების გაყვანის თაობაზე. დღეს ქვეყანაში 50 000 ამერიკელი სამხედრო რჩება, მაგრამ ისინი მეტად აღარ მიიღებენ მონაწილეობას ბრძოლაში და ერაყის ჯარისა და პოლიციის მომზადებას შეუწყობენ ხელს.

„ერაყში არ არის მთავრობა. იმისთვის რომ შესაძლებელი გახდეს ამ ქვეყანაში ცხოვრება, საჭიროა ძლიერი ხელისუფლება და ადამიანის უფლებათა პატივისცემის უზრუნველყოფა. მხოლოდ ასეა შესაძლებელი სახელმწიფოს განვითარება. დღეს კი ტერორისტები იმას აკეთებენ, რაც სურთ. არ არის სამუშაო ადგილები, სამაგიეროდ არის დანაშაული ავტომობილები. თანამშრომლობას ვთხოვთ კეთილი ნების ადამიანებს. მოგიწოდებთ: მოგვეცით მშვიდობა და უსაფრთხოება!“ — აცხადებს ვარდუნი ვატიკანის რადიოსთვის მიცემულ ინტერვიუში.

ერაყის ელჩი ვატიკანში ჰაბებ ალი ალ-სადრი მიიჩნევს, რომ ერაყის ქრისტიანთა სავალალო მდგომარეობისათვის პასუხისმგებლობა მნიშვნელოვანწილად დასავლეთის მასმედიის საშუალებებსაც ეკისრება: „ტერორისტები მიხვდნენ, რომ ერაყის მუსლიმთა დაღვრილი სისხლი დასავლეთში არავის ანალვლებს. სწორედ ამას მოჰყვა მასიური თავდასხმები ქრისტიანებზე“. ელჩმა ხაზი გაუსვა იმას, რომ ერაყის მოქალაქეები გმობენ ტერაქტებს. მან ასევე სთხოვა უწმიდეს პაპს, ქვეყანაში დაბრუნებისკენ მოუწოდოს ერაყის ქრისტიანებს. ერაყის მთავრობა კი მათ სამსახურს, საცხოვრებელსა და ფულად დახმარებას ჰპირდება.

### კუბა: კიდევ ერთი ნაბიჯი წინ

კუბის მთავრობასა და კათოლიკე ეკლესიას შორის ახლად გამართული დიალოგის ერთ-ერთი შედეგი კაიო ესპინოში ტაძრის აგება გახლდათ. ტაძარი ამა წლის 24 ივლისს გაიხსნა. იგი მხოლოდ 80 ადამიანს იტევს, თუმცა აქამდე ამ ქალაქში წირვა ვატიკანის უფრო მცირე სამლოცველოში აღევლინებოდა.

„თუკი შესაძლებელია ასეთი სასწაული, წარმოიდგინეთ, როგორ შეიძლება გარდაიქმნას ჩვენი ცხოვრება ქრისტიანობაში. ამ ტაძარმა დაგვანახა, რომ ღმერთს შეუძლია ჩვენი ცხოვრების შეცვლა. იგი მოგვიხმობს, გავერთიანდეთ ოჯახში, ძმათა ერთობაში, ეკლესიაში“, — მიმართა მორწმუნეებს ბაიამოს ეპისკოპოსმა ალვარო ბეირა ლუარკამ.

უნდა აღინიშნოს, რომ ნახევარი საუკუნის განმავლობაში ამ კუნძულზე, რომლის მოსახლეობის უდიდესი ნაწილი კათოლიკეა, არც ერთი კათოლიკური ტაძარი არ აშენებულა. თუმცა ორი წლის წინ ჰავანაში რუსეთის მართლმადიდებელი ეკლესიის ტაძარი აშენდა. „ოთხი წლის წინ ფიდელ კასტროს შევხვდი. უფალმა შთამაგონა, მეკითხა კუბის ლიდერისათვის კუბაზე მართლმადიდებლური ტაძრის მშენებლობის შესახებ. მან მაშინვე მიპასუხა, რომ არაა თუ მიესალმება ამ იდეას, არამედ იმასაც მპირდება, რომ ტაძრის მშენებლობას მთავრობა იკისრებს. ფიდელ კასტროს მიაჩნია, რომ კუბელთა მხრიდან ეს მაღლიერების ბუნებრივი შესტია რუსი ხალხისადმი, ყოფილი საბჭოთა კავშირის ყველა ერისადმი, იმისთვის, რაც მათ ოდესღაც გააკეთეს კუბისათვის“, — იხსენებდა შემდგომ სმოლენსკისა და კალინინგრადის მიტროპოლიტი კირილე, ამჟამად მოსკოვისა და სრულიად რუსეთის პატრიარქი.



### გაგვიღებინ ხელმწიფობის საბენტოს დახურვა ემუქრება

ინგლისში დარჩენილმა გაშვილების ხელმწიფობის ერთადერთმა კათოლიკურმა სააგენტომ Catholic Care შეიძლება არსებობა შეწყვიტოს, რადგან უარს ამბობს ჰომოსექსუალური წყვილებისთვის ბავშვების მიშვილებაზე. მიუხედავად იმისა რომ, ლორდთა პალატის მარტისთვის დადგენილებით, სააგენტოს უფლება აქვს, უარი თქვას ერთსქესიანი წყვილებისათვის ბავშვების მიშვილებაზე, რადგან ეს კათოლიკე ეკლესიის მოძღვრებას ეწინააღმდეგება, ამა წლის 17 აგვისტოს საქველმოქმედო საქმეთა სახელმწიფო კომისიამ განაცხადა, რომ მეტად აღარ დაუშვებს ამგვარ დისკრიმინაციას.

კომისია „სათანადოდ აფასებს სააგენტოს მნიშვნელოვან და ხარისხიან მუშაობას“, მაგრამ გასულ წელს დამტკიცებული კანონის თანახმად, დისკრიმინაცია, არააბრადიციული სქესობრივი ორიენტაციის საფუძველზე, „უწინააღმდეგება თანასწორობის პრინციპებს“.

კომისიის მოხსენებაში ნათქვამია, რომ ჰომოსექსუალებსაც შეუძლიათ, კარგი მშობლები იყვნენ და მათი დისკრიმინაცია, რელიგიურ შეხედულებათა გამო, დაუშვებელია. თუკი სააგენტო Catholic Care არსებობას შეწყვეტს, ბავშვები, რომლებიც მას უნდა გაეშვილებინა, სხვა სააგენტოების მიერ გაშვილდებიან.

Catholic Care 1863 წელს დაარსდა. დღეისთვის ეს გაშვილების ხელმწიფობის ერთადერთი კათოლიკური სააგენტოა. თანასწორობის ბულის დამტკიცებამდე, ქვეყანაში 12 ამგვარი სააგენტო მოქმედებდა.

მოამზადა რუსუდან ავალიშვილმა

## პადრე ნინო

საქართველოში თვრამეტწლიანი მოღვაწეობის შემდეგ, მამა ივანე მარტინი იტალიაში მიემგზავრება მსახურების გასაგრძელებლად. განმორება ყოველთვის მტკივნეულია, განსაკუთრებით მამინ, როდესაც ისეთი ახლობელი და ღვთისწიერი ადამიანი გვტოვებს, როგორც მამა ნინოა. იგი იტალიის მკვიდრია და ახლა, ამდენი წლის შემდეგ, კვლავ თავის ხალხს, თავის ქვეყანას უბრუნდება; უბრუნდება იმ კუთხეს, რომელიც ასე ძალიან უყვარდა. იქ მას მოუთმენლად და სიხარულით ელიან, მაგრამ ჩვენ, ქართველი კათოლიკეები, სულის სიღრმემდე შეძრულნი, გულისტკივილით ვემშვიდობებით პადრე ნინოს, ჩვენს საყვარელ მოძღვარსა და მეოხს, ძვირფას მასწავლებელსა და მეგობარს. ნუგეშად კი ის გვრჩება, რომ ის არ დაივიწყებს თავის პაციენტებს, მეგობრებს, სტუდენტებს და წელიწადში ერთხელ მაინც ეწვევა საქართველოს, თავის მეორე სამშობლოს.



მამა ივანე მარტინს, რომელსაც სიყვარულით ყველა მამა ნინოს სახელით მიმართავს, ალბათ, განსაკუთრებული წარდგენა არ სჭირდება საქართველოს კათოლიკეების (და არა მარტო მათ, არამედ საქართველოს მოსახლეობის არცთუ ისე მცირე ნაწილის) წინაშე.

მ. ნინო — დიდბუნებოვანი, კეთილი, მოსიყვარულე, საქმიანი, პრინციპული, სამართლიანი, კორექტული... — ეს ალბათ ეპითეტების არასრულყოფილი სიაა, რომლითაც შეიძლება მისი პიროვნების დახასიათება.

მ. ნინო უკვე 18 წელია, რაც კავკასიაში იმყოფება, კერძოდ, რამდენიმე წელი სომხეთში აშტოცკის საავადმყოფოს ადმინისტრირებას ხელმძღვანელობდა (სპიტაკის მინისტრის შემდეგ, რომის პაპმა იოანე პავლე მეორემ აჩუქა სომხეთის დაზარალებულ მოსახლეობას), მერე კი საქართველოშიც ჩამოვიდა და „საქართველოს კარიტასის“ მიერ დანაშაულ პოლიკლინიკის მშენებლობას კურირებდა.

მშენებლობის დამთავრების შემდეგ, „საქართველოს კარიტასმა“ პოლიკლინიკის შენობა კამილიელთა ორდენს გადასცა და 1998 წლის 5 აპრილს აკურთხეს „კაცთა მაცხოვრის“ სახელზე. ამ დღიდან მამა ნინო ამ პოლიკლინიკის დირექტორი და სულუსწამდგმელი იყო.

იმ პერიოდში, როდესაც საქართველოს ყველაზე მეტად უჭირდა, კათოლიკურმა ეკლესიამ, შეძლებისდაგვარად, ყველაფერი გააკეთა საქართველოს მოსახლეობის დასახმარებლად და ახლად გახსნილი ამბულატორია, „საქართველოს კარიტასთან“ ერთად, უანგაროდ ჩადგა ხალხის სამსახურში — უფასოდ მკურნალობდა მრავალგაჭირვებულ, ავადმყოფ და მიუსაფარ ადამიანს, ასევე, შეძლებისდაგვარად ეხმარებოდა ეკონომიკურადაც.

პოლიკლინიკის დაარსებას დიდი შეფასება მისცა წმინდა მამამ, იოანე პავლე მეორემ. კავკასიაში ლათინური წესის კათოლიკეთა სამოციქულო ადმინისტრატორის, მეუფე ჯუზეპე პაზოტოსადმი გაგზავნილ წერილში ვკითხულობთ: „... განსაკუთრებულად თბილი სიტყვებით მინდა მივმართო წმ. კამილოს ბერებსა და მონაზვნებს, რომელთაც იმთავითვე თავს იდევს ინიციატივის კონკრეტულად ხორცშესხმაზე ზრუნვა. თქვენს გვერდით მათი ყოფნა თვალნათლივ ცხადყოფს, თუ რამდენად უდგას მხარში ქართველ მორწმუნეებს კათოლიკე ეკლესია, თუ როგორი საყოველთაო პატივისცემითა და მეგობრობით სარგებლობს ქართველი ხალხი, ხალხი,

რომელმაც საუკუნეების განმავლობაში მძიმე სისხლის ფასად შეინარჩუნა ქრისტიანული რწმენა...

ვისურვებდი, რომ პოლიკლინიკა, რომელიც ახლა საზეიმოდ გაიხსნება, ყოფილიყოს ყველა ქართველის მიმართ ჩემი სიხლოვისა და სიყვარულის ნიშანი, ყოფილიყოს იმ სიყვარულის თვალნათელი მოწმობა, რომელსაც იჩენენ ქრისტიანები გაჭირვებაში მყოფ ადამიანთა მიმართ. ქრისტიანებმა იცინ, რომ უფალი გულისხმიერ სამსახურს ითხოვს, სახარებისეულ სამსახურს, რომელიც კონკრეტულად გამოიხატება ყველა იმ ადამიანის სახით, ხელით და გულით, ვინც კეთილი სამართლებრივით გაჭირვებული კაცის თავზე იხრება. ქველმოქმედების ყოველი შესტი ამრიგად იმ საღვთო მონაწილეობის ცხად და ნუგეშისმცემელ გამოხატულებად იქცევა, რომელიც პირს უკრავს ჭრილობებს, ტირილს სიხარულად და სულიერ სიმშვიდედ ცვლის.

ამის გამო დარწმუნებული ვარ, რომ ყველა ადამიანი, ვინც ამ სოციალურ-სანიტარულ დაწესებულებას მიმართავს, კეთილგანწყობასა და პროფესიონალიზმს ჰპოვებს, ნახავს, რომ პატივისცემით ეკიდებიან თითოეულ პიროვნებას, რადგანაც ყოველი ადამიანი ღვთის სახედ და ხატად არის შექმნილი. სწორედ სახარებისეული სულის გათვალისწინებით, ღარიბ, ობოლ და მოხუც ავადმყოფებს უფასოდ უმკურნალებენ...“.

იმ პერიოდში, როდესაც საქართველოში, სოციალურ-ეკონომიკური თვალსაზრისით, კატასტროფული მდგომარეობა სუფევდა, მსგავსი სამკურნალო დაწესებულების გახსნა მართლაც უფლის მიერ მოვლენილი ნუგეში იყო. სწორედ ამიტომ მის გახსნას ესწრებოდნენ მამინდელი საქართველოს პრეზიდენტი ედუარდ შევარდნაძე და მისი უწმიდესობა, საქართველოს კათალიკოს-პატრიარქი ილია მეორე. მისმა უწმიდესობამ, ილია მეორემ პოლიკლინიკას გადასცა თავისი საჩუქარი: დიდი სანთელი წმიდა ქალწულის გამოსახულებით და კერამიკის ლარნაკი წმ. ნინოს გამოსახულებით.

პოლიკლინიკის გახსნასთან დაკავშირებით, მამა ნინო წერდა: „ოცნება, დაწყებული 1992 წელს, რეალური გახდა. თბილისის დიდი და ქაოსური რაიონის გაჭირვებულ ადამიანებს აქვთ ადგილი, სადაც მიიღებენ და გაუნევენ მკურნალობას,“ იმ სიყვარულით, რომელიც აქვს დედას ერთადერთი ავადმყოფი შვილის მიმართ... გადაუჭარბებლად შეიძლება ითქვას, რომ პოლიკ-



ლინიკა „კაცთა მაცხოვარი“ მამა ნინოს განხორციელებული ოცნება და საყვარელი პირმოა. ამ პერიოდის განმავლობაში, მან ხალხის დიდი სიყვარული მოიხვეჭა და იგი ყოველთვის ემასხოვრება საქართველოში. სწორედ იმ დროს, როდესაც ყველაზე მეტად უჭირდა ქართველ ხალხს, კამილიელები, მ. ნინოს მეთაურობით, მხარში ამოუდგნენ მას და, კეთილი სამართლის მსგავსად, ბევრი ადამიანი გადაარჩინეს.

მ. ნინო მრავალმხრივი პიროვნებაა, როგორც პედაგოგი — ფილოსოფოსი, მრავალი წლის მანძილზე დაუღალავად იღვწოდა სულხან-საბა ორბელიანის სასწავლო უნივერსიტეტში (ყოფილი სულხან-საბა ორბელიანის სახელობის თეოლოგიის, ფილოსოფიის, კულტურისა და ისტორიის ინსტიტუტი). სტუდენტებისათვის იგი იყო ერთ-ერთი გამორჩეული პროფესორი და მეგობარი. მას დიდი ღვაწლი მიუძღვის უნივერსიტეტის აღორძინება-გაფართოების საქმეში. მის მიერ დამუშავებული და გამოცემული სქელტანიანი წიგნი — ფილოსოფიის ისტორია ერთადერთი წიგნია ქართულ ენაზე, რომელშიც სრულყოფილად აღწერილი ყველა დროის ფილოსოფოსთა ნააზრევ-ნაღვანი. ვფიქრობთ, ეს წიგნი ქართველი ხალხისადმი სიყვარულით მიძღვნი-

ლი კიდევ ერთი დიდი საჩუქარია. ამ წიგნით გაიზრდება არაერთი თაობა და მ. ნინოს სახელი არასოდეს მიეცემა დავიწყებას.

მ. ნინო თავადაც მტკივნეულად განიცდის უნივერსიტეტის დატოვებას; როგორც რექტორთან კერძო საუბარში აღნიშნა, მას უკვე მომზადებული ჰქონდა ექვსი თვის ლექციების კურსი, რაც მის დიდ პასუხისმგებლობაზე მეტყველებს.

მე ბედნიერება მქონდა, დავსწრებოდი წეროვანში 10 აგვისტოს მ. ნინოს გამოსამშვიდობებლად მოწყობილ ღონისძიებას, რისთვისაც დიდ მადლობას მოვასხენებ ეპისკოპოს ჯუზეპე პაზოტოს. ეს დღე არასოდეს დამავიწყდება, ყოველთვის მემასხოვრება მ. ნინოს თვალეზე აკიაფებული ცრემლი, რომელიც თან ახლავს განშორებას. ცრემლები ყველა მათგანის თვალეში დავინახე, ვინც მის გასაცილებლად მოვიდა: საქართველოში მოღვაწე ყველა კონგრეგაციის მღვდლები, მონაზვნები და რამდენიმე საერო პირი.

მამა ნინომ ქართველ და იტალიელ ხალხს წასვლის წინ კიდევ ერთი ძვირფასი საჩუქარი უძღვნა. მის მიერ იტალიურად დაწერილი და გამოცემული წიგნი — *BBreve storia della chiesa cattolica latina in Georgia* (ლათინური წესის კათოლიკეთა მოკლე ისტორია საქართველოში), ქართველების შესახებ თქმული კიდევ ერთი სავიზიტო ბარათი იქნება იტალიაში. წიგნი მალე პოლიგრაფიულ დონეზეა გამოცემული და მდიდარია ფოტომასალით. ფოტოების დათვალიერების შემდეგ, იტალიური ენის უცოდინარი მკითხველისთვისაც კი ნათელი გახდება საქართველოში კათოლიკეების მიერ განვლილი გზა. მ. ნინომ იმაზეც იზრუნა, რომ ამ წიგნს ყოველი კათოლიკეს წიგნების თარო დაემშვენებინა (რის საშუალებასაც წიგნის ტირაჟი იძლევა). დიდი მადლობა მას, ასეთი ძვირფასი საჩუქრისათვის.


მამა ნინომ საგზლად უამრავი კეთილი სურვილი და სამახსოვრო საჩუქრები მიიღო.

ციცინო სითარიშვილი

ეპისკოპოს ჯუზეპე პაზოტოს გამოსამშვიდობებელი სიტყვა

დარწმუნებული ვიყავი, რომ გამომშვიდობება უნდა მომხდარიყო ლოცვის გარემოში; როდესაც მ. ნინომ გაიგო, რომ თავისი ორდენი იტალიაში უხმობდა და საქართველო უნდა დაეტოვებინა, ის კი არ მითხრა, არ მესმის, რატომ უნდა წავიდეთ, არამედ, — საჭიროა ღმრთის ნების აღსრულება. ღმრთის ნების აღსრულება კი ისაა, შეაბიჯო ფერისცვალების ოხვრაში. ჩვენ რომ სიჩუმეში დარჩენა შეეძლოთ, მოვისმენდით ადამიანთა ოხვრას და კვნესას. წმ. პავლე გვასწავლის, რომ არის სამი სახის ოხვრა: 1) ქმნილების ოხვრა, ეს ოხვრა გვეხმარება გულით და ყურით, როდესაც ხალხში ყოფნა გვინევს. ხშირად ეს იმედით სავსე ოხვრაცაა; 2) მორწმუნის ოხვრა, რომელიც გვაძლევს იმ ხსნას, უფლისგან რომ მოდის. ეს არის მეგობრის სიმორით, სიყვარულის სისხლის არქონით გამოწვეული ოხვრა; 3) სულის ოხვრა, სისუსტე, რომელსაც ჩვენ

განვიცდით, მაგრამ ამ დროს სულიწმიდა მოდის და ჩვენთან ერთად ოხრავს. ეს ის ნუთებია, როდესაც ჩვენი საზრუნავ-სადარდებელი ღმერთისკენ მიემართება. ამ სამი სახის ოხვრას თავს მოვუყრიდი ერთში — ფერისცვალების ოხვრაში. ფერისცვალებისას იესოს ვინაობა ვლინდება და მოციქულები მასში ღმერთს ხედავენ.



ფერისცვალება ნიშნავს, ვეძიოთ საკუთარი ვინაობა და აღმოვანიხოთ, რომ ვართ ღმრთის შვილები. ფერისცვალება გზაა და აქვს სხვადასხვა ეტაპი. მ. ნინოს მიერ საქართველოში განვლილი ფერისცვალების ეტაპი ერთ-ერთი მნიშვნელოვანია.

მ. ნინო, პირველ რიგში, მინდა გითხრათ გულწრფელი, ალალი მადლობა იმისთვის, რომ შენი თავი აჩუქე ჩვენს ეკლესიას. მეორე, იმ სიმშვიდისათვის, მშფოთვარების ჟამს რომ გვჩუქნიდი; მესამე, გულწრფელობისთვის, შენს თვალეში რომ გამოსჭვიოდა მუდმივად; და

მეოთხე, შენი რწმენისთვის, რომელიც დაგვეხმარა იმ მიმე გზის გავლაში, ერთად რომ მივუყვებოდით რწმენით.

ძვირფასო მ. ნინო, კიდევ ბევრის თქმა შეიძლება, მაგრამ შევჩერდეთ ამაზე. აი, სწორედ ესაა ის ფერისცვალების ოხვრა, რომელიც შენ განახორციელე ჩვენს ეკლესიაში.

მთელი ეკლესიის, ყველა მორწმუნის სახელით, გისურვებთ ღვთის კურთხევას და დარჩენილი გზის სახელოვნად გაგრძელებას.

პადრე ნინოს სამადლობელი სიტყვა

ძვირფასო ეპისკოპოსო, მაშინ, როცა გითხარით ღვთის ნების აღსრულების შესახებ, ბიბლიიდან კიდევ ერთი წინადადება დავამატე: ჩემი აზრები, თქვენი აზრები არაა და ჩემი გზები თქვენი გზები არ არისო, — ეს ჩემი საყვარელი სიტყვებია, მაგრამ ხშირად მავიწყდებოდა, რომ ისინი მეც მეხებოდა.

მე მრავალი წლის განმავლობაში ვცხოვროდი საქართველოში და ყოველთვის ველოდი შინ დაბრუნებას. რეალისტები რომ ვიყოთ, ვერც კი უნდა წარმოემდგინა, რომ აქ ამდენ ხანს დავრჩებოდი. როდესაც 1992 წლის იანვარში სომხეთში ჩავედი, ვერც ვიფიქრებდი, რომ კავკასიაში გავჩერდებოდი, ისე, როგორც იოანე პავლე პირველი ამბობდა, ვენეცია დავტოვე და არ ვიცოდი, რომ პაპი გავხდებოდი.

რამდენიმე თვით ჩამოვედი, რათა დამეარსებინა საავადმყოფო, ჩამოვედი ცნობისმოყვარეობის გამო, რას აკეთებდნენ „ბავშვიჭამია“ კომუნისტები ამ ქვეყანაში და ორ-სამ თვეში უკან დაბრუნებას ვაპირებდი, მაგრამ სამი თვე 18 წლად იქცა და მინდა გითხრათ, რომ ძალიან ბედნიერი ვარ. ეს იყო ბედნიერი 18 წელი. სადაც კი ვმუშაობდი, ყველგან ხალხის სიბოძო ვგრძნობდი, მეც ვცდილობდი, შემეყვარებინა ისინი. კავკასიაშიც ძალიან კარგად ვგრძნობდი თავს, რადგანაც ხალხის სიყვარულით ვიყავი გარემოცული.

საყვარელ ადამიანთან განშორება, ბუნებრივია, ტკივილთანაა დაკავშირებული, მიუხედავად იმისა რომ სამშობლოში ვბრუნდები. მაგრამ მე გადავივიარე ერთი სიყვარულიდან მეორეში, და იქაც შევეცდები ამ სიყვარულის ჩვენებას, ხალხის ტკივილისა და სიხარულის გაზიარებას.

როდესაც სომხეთში ჩავედი, აღარ დამხვდა კათოლიკური ეკლესია და მე მოწმე გავხდი ახლის დაბადებისა. თბილისის წმ. პეტრესა და წმ. პავლე მოციქულთა ეკლესიაშიც მხოლოდ მამა იან სნეჟინსკი დამხვდა, ახლა კი ვხედავ ამ ეკლესიის აყვავებას. მე მოწმე გავხდი ღვთის დიდი საქმეებისა საქართველოში.

როდესაც საქართველოში პოლიკლინიკის მშენებლობა დავიწყე, ვერც კი წარმოვიდგენდი, რომ აქ მომიწევდა მუშაობა, რადგანაც შენობას „კარიტასი“ აშენებდა, ჩვენ სანყისი უნდა მიგვეცა სამუშაოსთვის და მერე



უკან გავბრუნებულიყავით. მხოლოდ 2003 წელს, როდესაც სტაბილური სახე მიეცა ჩვენს მუშაობას, მაშინ დაიწყო სამი, ექვსი და ცხრანობიანი ვადები, მაგრამ, როგორც ხედავთ, დღემდე გადმოინია და, როგორც ყოველთვის, დგება დრო, როცა სხვას უნდა დაუთმო ადგილი.

არ ვიცი, რა მელის იტალიაში, ეს მომავალში გაირკვევა; ალბათ, მომიწევს რომელიმე საავადმყოფოს კაპელანობა. იმედია, მივდივარ იქ, სადაც კარგად ვიგრძნობ თავს, ვნახავ ძველ, საყვარელ მეგობრებს, რომლებიც სულ მეკითხებოდნენ, როდის დაგვიბრუნდებო.

მინდა, ყველას მადლობა გადაგიხადოთ, ასევე ეკლესიას, კარიტასს. განსაკუთრებით მწყდება გული სულხან-საბა ორბელიანის სასწავლო უნივერსიტეტზე, რომელიც ჩემთვის ძალზე ლამაზი გამოცდილება იყო. რადგანაც, სადაც შეგიძლია შენი ცოდნა გადასცე ხალხს, სწორედ იქ ხდება საძირკვლის ჩადება ეკლესიისა და საზოგადოების მშენებლობისათვის.

მინდა, ვთხოვო ეპისკოპოსს, რომ განსაკუთრებით დაიცვას ჩვენი განძი, ესაა „კარიტასი“ და სულხან-საბას უნივერსიტეტი.

საქართველოში აუცილებლად დავბრუნდები, როგორც ტურისტი, და შევძლებ, კვლავაც გავიხარო თქვენი მეგობრობითა და სიყვარულით.

# კიდევ ერთი სეკლიანი გახილვა

პირველ აგვისტოს, წმ. პეტრე და წმ. პავლე მოციქულთა ეკლესიაში, დილის საკვირაო წირვაზე, მამა ადამა ყველასათვის მოულოდნელად გამოაცხადა, რომ კამილიელთა პოლიკლინიკის — „კაცთა მაცხოვარი“ დირექტორი, მამა ივან მარტინი (პადრე ნინო) ორი კვირის შემდეგ დატოვებდა საქართველოს. ეს ახალი ამბავი გვეწყინა, რადგანაც მისი გულისხმიერება და კაცთმოყვარეობა ყველასათვის ცნობილი იყო.

გაცილებამ უბრალოდ ჩაიარა; დარწმუნებული ვარ, ეს პადრე ნინოს მოკრძალებული ხასიათიდან გამომდინარეობდა. როდესაც მ. ადამმა მის შესახებ ისაუბრა და მადლობა გადაუხადა მას ქართველი ხალხის მიმართ გაწეული დიდი ღვაწლისათვის, მ. ნინოს აშკარად ემჩნეოდა უხერხულობა; გამოსათხოვარი სიტყვაც ძალიან მოკლე და მოკრძალებული იყო.

**მამა ივან მარტინი:** 18 წელია, საქართველოში ვარ. აქ უფრო ცნობისმოყვარეობის გამო ჩამოვედი. ეს იყო შევარდნადის პერიოდი. რესპუბლიკა სავალალო მდგომარეობაში დამხვდა. არც ეკლესიებში იყო უკეთესი მდგომარეობა. მხოლოდ ორი მღვდელი მოღვაწეობდა: მამა იან სნეჟინსკი და, ცოტა მოგვიანებით, მამა ადამ ოხალი. სულ სხვა მდგომარეობაა ამჟამად, როგორც ქვეყანაში, ასევე ეკლესიაში. საქართველო აყვავების პროცესშია.

რაც შეეხება ჩემს მოღვაწეობას, ღმრთის დახმარებით, ცოტა რამის გაკეთება შეეძლებოდა. ჩემი აქ ყოფნის პერიოდში, აშტოცკში (სომხეთი) აშენდა საავადმყოფო, საქართველოში გაიხსნა პოლიკლინიკა „კაცთა მაცხოვარი“, „სან-კამილოს“ ინვალიდთა სახლი, შენების პროცესშია თემქაზე ინვალიდთა სახლის ახალი შენობა, რომელიც მოიცავს 4600 კვ.მ. ფართობს და დაახლოებით ერთ წელიწადში დასრულდება.

გულისტკივილით ვტოვებ საქართველოს. მივდივარ მდიდარი შთაბეჭდილებებით სავსე. ჩემს შემდგომ მომავალს ღმერთი გადაწყვეტს, მაგრამ ერთი რამ ზუსტად ვიცი, რომ ყოველთვის გვემასხოვრება ერთმანეთი და ვილოცებთ ერთმანეთისთვის.

ღმერთი იყოს საქართველოს მფარველი! მამა ნინოს შესახებ სხვებსაც ვთხოვე აზრის გამოთქმა.

**ხათუნა ტელიანი,** „კამილიელთა ოჯახის“ პრეზიდენტი: პადრე ნინოს გვერდით ყოფნა სასიამოვნო იყო, რადგანაც ის ყოველთვის იმედს გვაძლევდა, ყოველთვის ჩვენს გვერდით იყო, დიდად ზრუნავდა ჩვენზე და დახმარებას გვინებდა.

**მაია ანთიძე,** „კამილიელთა ოჯახის“ წევრი: პადრე ნინო სპეტაკი, გულწრფელი ადამიანია, ყოველთვის ზრუნავს ავადმყოფებზე. მე დარწმუნებული ვარ, რომ ის ჩვენში იესო ქრისტეს ხედავდა. რამდენიმე თვის წინ ოპერაცია დამჭირდა, როდესაც ეს პ. ნინომ გაიგო, აშტოცკში წაყვანა შემომთავაზა, მაგრამ, საბედნიეროდ, აქაც გამოჩნდნენ კეთილი ადამიანები და წასვლა აღარ დამჭირდა. დიდი მადლობა პ. ნინოს ასეთი გულისხმიერებისათვის.

**სვეტა შავერდაშვილი,** პოლიკლინიკა „კაცთა მაცხოვარის“ პაციენტი: გაგება, ზრუნვა, ადამიანური სიყვარული, — აი, ის ყველაფერი, რასაც გრძნობ პოლიკლინიკაში მისვლისას. (მადლობა მთავარ ექიმს!) ეს ყველაფერი კი მამა ნინოს დამსახურებაა. ასე გგონია, თავად წმ. კამილო გკურნავს.

წირვის დასასრულს, პადრე ნინოსთან გამოსამშვიდობებლად რიგი დადგა. ყველას უნდოდა, პირადად ეთქვა მადლობა და გზა დაელოცა მისთვის.

დალოცვილმა იარე, პადრე ნინო!

**ნადია ჩიტაძე**

## მარიამის ზესად აღყვანების საკათედრო ტაძრის დღესასწაული



### წიროვანის ლამაზი დღე ანუ ახალი ტრადიციის სათავეებთან

#### კათედრალის მრევლის წევრებმა წმ. ღვთისმშობლის დღესასწაულის დინა კვირა ერთად გაატარეს წიროვანში

„აჰა, რა კარგია და რა საამური, ერთად რომ ცხოვრობენ ძმები!“ (ფს. 132.), — სამი ათასი წლის წინ მეფე დავითის მიერ წარმოთქმული ფსალმუნის ეს ფრაზა რეფერენად გასდევდა თბილისის მარიამის ზეცად აღყვანების საკათედრო ტაძრის დღესასწაულამდე ერთი კვირით ადრე წიროვანში ერთად შეკრებილი მრევლის წევრების კონვენციას.

კონვენცია ლათინური სიტყვით და პირდაპირი მნიშვნელობით ერთად ცხოვრებას ნიშნავს, ისე კი რელიგიური რიტუალების შესრულების მიზნით, მორწმუნეთა



და მოძღვართა ტაძრის გარეთ ერთად ყოფნას (ერთი, ან რამდენიმე დღით) აღნიშნავს. კონვენციები ხელს უწყობს მრევლის წევრთა ურთიერთგაცნობასა და დაახლოებას, რათა მრევლი, რომელიც მრავალრიცხოვან, სხვადასხვა ინტერესებისა და სტატუსის მქონე სოციალური ჯგუფების ნაკრებს წარმოადგენს, ნამდვილი ქრისტიანული სიყვარულით აღვსილ საკრებულოდ ჩამოყალიბდეს. კონვენციების დროს მორწმუნეები არა მხოლოდ ერთად მონაწილეობენ წმ. წირვებში, იღებენ ზიარებას, ლოცულობენ, ან აღსარებას ახარებენ, არამედ ერთად იღებენ ტრაპეზს, იყოფენ ლუკმას, რაც, ქრისტიანული თვალსაზრისით, ასევე მნიშვნელოვანი მომენტია. კონვენციების დროს მორწმუნეებს თავიანთი ოჯახის წევრებზეც მოჰყავთ, ზოგიერთი მათგანი შესაძლოა, სხვა კონფესიის, ან საერთოდაც არამორწმუნე იყოს, მაგრამ ერთად გატარებული დღის განმავლობაში ადამიანები უკეთ ეცნობიან ერთმანეთს, (სხვათა შორის, ოჯახის წევრებსაც უკეთ გაიცნობენ ხოლმე), შემდგომ კი ინფორმაციის დეფიციტით ნასაზრდოები უნდობლობა, ან ნეგატიური დამოკიდებულება ქრება, სამაგიეროდ, რჩება ფსალმუნის ფრაზაში ნახსენები გრძნობები.

გასულ, 2009 წელს, როდესაც წმ. ღვთისმშობლის ზეცად აღყვანების დღესასწაულისთვის მზადება მიმდინარეობდა, (ეს თარიღი თბილისის კათედრალის აღდგენის მე-10 წლისთავის იუბილევ გახლდათ), მისმა მალაყოვლადუსამღვდელთაგანმა, ეპისკოპოსმა ჯუზეპე პაზოტომ ახალ, ლამაზ ტრადიციას დაუდო სათავე: მოუწოდა კათედრალის მთელ მრევლს, ტაძრის დღესასწაულამდე ერთი კვირით ადრე, წიროვანში, თანაზიარებასა და სიხარულში ერთად გაეზიარებინა ეს

დღე. კონვენციის დღე მართლაც გამორჩეული აღმოჩნდა მონაწილეთათვის, რომელთა ნაწილმაც თავიანთი შთაბეჭდილებები რეპორტაჟის სახით ჟურნალ „საბას“ მკითხველსაც გაუზიარა. ჩვენ ვთხოვეთ ზოგ მონაწილეს, გაეხსენებინა გასული წლის შეხვედრა და წლევანდელი შეხვედრის შთაბეჭდილებებიც გაეზიარებინა.

მ აგვისტოს თავისუფლების მოედნიდან ზუსტად ათის ნახევარზე (ეს პუნქტუალობა მართლაც დასაფასებელი და მისაბაძი უნდა იყოს ყველასათვის) კათედრალის მრევლის წევრები, ეპისკოპოსი და ტაძრის წინამძღვარი მ. ანდრეი გაემგზავრნენ წიროვანის სულიერების ცენტრისაკენ. აქ ულამაზესი კედრების ჩრდილქვეშ მოწყობილი მცირე ამფითეატრი მორწმუნეთა შეხვედრის მთავარ ცენტრად ქცეულიყო. ალბათ, შემთხვევითი არ უნდა იყოს კედრების ჩრდილში წმ. წირვის აღვლენა და ღმრთისმსახურება. სწორედ ლიბანის კედარს უგალობს თავის ჰიმნებში ბიბლიური მეფე დავითი, ხოლო მეფე სოლომონმა კედრის ხის მერქნისაგან ააგო ღვთის ტაძარი. „რუსეთის მოგუგუნე კედრები“ — ამ სათაურით კედრის ხის გასაოცარ ენერგეტიკას წიგნების მთელი სერია მიუძღვნა ვლადიმირ მეგრემ (ვ. მეგრეს წიგნები ქართულადაც არის ნათარგმნი), და ადამიანის ზნეობის განწმენდისათვის მსოფლიოში ცნობილი მოძრაობაც დააფუძნა. ასე რომ წიროვანის „მოგუგუნე კედრების ჩრდილქვეშ“ შეკრებილ ადამიანებს გულის გადახსნისათვის ამ საოცარი ხეების ენერგეტიკაც უწყობდა ხელს.

თბილისის გაუსაძლისი ხვადის შემდგომ, წიროვანის კედრების ჩრდილქვეშ რალაც საოცარი განწყობა დაეუფლა ყველას: წმ. წირვა, სავარდის ლოცვა, სულიერი საუბრები და აქტიური დასვენების პერიოდი, ეპისკოპოსის მიერ მოწყობილი სიურპრიზების კასკადი, როდესაც ასაკოვანი ადამიანებიც კი ბავშვობის წლების თავდავიწყებაში გადაეშვენენ, ყველაფერი ეს ისე ლამაზად და გემოვნებით იყო შერჩეულ-შეთანხმებული ერთმანეთთან, და ეს ერთობლიობა ისეთ ჰარმონიულ განწყობას ქმნიდა, რომ დღე თვალის დახამხამებაში ისე სწრაფად გაიპარა და თბილისში დაბრუნების ყამი მოვიდა, რომ არავის გასჩენია დაღლის ან მოწყენის, ან თუნდაც მარტო ყოფნის სურვილი. ამით რეალურად ხაზი გაესვა კონვენციის არსსა და მიზანს. ქრისტიანული მრევლის თანაცხოვრება სულიერი ერთიანობაა. სწორედ ამას გაუსვა ხაზი ეპისკოპოსმა თავის ქადაგებაში, რომ უნდა შევეცადოთ, ვიყოთ ერთად, ერთ საკრებულოდ, და არა ისე, რომ განმარტოებას ვესწრაფვოდეთ.

უნდა აღვნიშნოთ, რომ ეპისკოპოსის სურვილი მრევლის წევრების ერთიანობისა, შესრულდა. წმ. წირვის, ან სავარდის ლოცვის დროს, საერთო ვითარება აიძულებს ადამიანებს ერთიანობას, მაგრამ როდესაც თავისუფალი დრო დგება, ზოგი ცდილობს განმარტოებას, თავს არიდებს სულიერ და-ძმებთან ურთიერთობას და ამის მიზეზი მხოლოდ ადამიანის ინდივიდუალიზმი როდია, ხშირად შეკრების ანიმატორის არაკომპეტენტურობის, ან დაუდევრობის ბრალიცაა. წიროვანის კონვენციის ორგანიზებას თუ გავაანალიზებთ, სრულიად ადვილად დავრწმუნდებით, რომ არა მხოლოდ ეპისკოპოსისა და მ. ანდრეის, არამედ ნებისმიერი ანიმატორისა და მონაწილის მონდომება ნასაზრდოები იყო ერთიანობის სურ-

## საგანგებო ჩანართი

# ქრისტიანობის ლექსიკონი

რამდენიმე წელია, სამოციქული ადმინისტრაციის გადანყვეტილებით, დაინყო მზადება ქრისტიანობის ლექსიკონის გამოსაცემად, რომელიც ყველა დაინტერესებულ მკითხველს — კათოლიკესა და არაკათოლიკეს, მორწმუნესა და არამორწმუნეს — მოკლე, მაგრამ სანდო ცნობებს მიაწვდის ქრისტიანული სარწმუნოების მოძღვრების, ეკლესიის ისტორიისა თუ ლიტურგიული ცხოვრების შესახებ. ამავე დროს, აქვე მოწოდებული იქნება საჭირო ინფორმაცია სხვა რელიგიათა შესახებ.

ლექსიკონს საფუძვლად დაედო პიერო პეტროზილოს (Piero Petrosillo) მოკლე ენციკოლოპედიური ცნობარი „Il Cristianesimo dalla A alla Z: Lessico della fede cristiana„, რომელიც იტალიურიდან თარგმნა **მარიკა სააკაშვილმა** პროფესორ **მერაბ ღალანიძის** რედაქციით.

ჟურნალ „საბას“ სარედაქციო საბჭომ გადანყვიტა, სანამ ლექსიკონი ცალკე წიგნად დაიბეჭდება, მკითხველს ნაწილობრივ მიანოდოს ხოლმე მომზადებული მასალა. იმედია, მკითხველთა მიერ შენიშნული შეცდომები და უზუსტობანი გასწორდება ლექსიკონის წიგნად გამოცემისას.

ყოველგვარ გამოხმაურებას რედაქცია მადლიერებით მიიღებს.

**მერაბ ღალანიძე**

აბაკუსი, აბაკუსის სახეობის მრავალფეროვანი სახეები

**აბაკუსი** [ბერძ. abax, შემდეგ ლათ. abacus „(საან-გარიშო) დაფა“] პრესბიტერიუმში — მღვდლის სამყოფელში — მდგომი პატარა მაგიდა, რომელზეც წირვის აღსრულებისათვის საჭირო წმიდა ჭურჭელი და სხვა ლიტურგიული საგნები ლაგდება. არქიტექტურაში: სვეტის კაპიტელის ზედა ნაწილი, რომელსაც ეყრდნობა არქიტრავი ან თალი.

აბატი, აბატიის სახეობის მრავალფეროვანი სახეები

**აბატი** [არამ. „abba“ „მამა“] ბერმონაზვნობის საწყის პერიოდში, უმთავრესად ეგვიპტესა და სირიაში, ასე უწოდებდნენ სულიერ მოძღვრად არჩეულ მონაზონს. დღეს ეს სიტყვა აღნიშნავს დამოუკიდებელი მონასტრის წინამძღვარს, არჩეულს მონასტრის კაპიტულუმის მიერ საიდუმლო კენჭისყრით, რომელსაც აქვს სრული ძალაუფლება მონასტრის შიდა თუ გარე საქმიანობაში, თანამდებობაზე მისი ყოფნის დრო კი განისაზღვრება ცალკეულ მონასტერთა თუ ორდენთა წესდებითა და კონსტიტუციით. ეს არ გამორიცხავს, რომ აბატი შეიძლება ექვემდებარებოდეს სამონასტრო კონგრეგაციის უპირატესს ან წინამძღვარს.

აბატი, აბატიის სახეობის მრავალფეროვანი სახეები

**აბატისა** [არამ. „abba“à, „მამა“, ლათ. ფორმა abbatissa] ქალთა მონასტრის წინამძღვარი.

აბიტი, აბიტის სახეობის მრავალფეროვანი სახეები

**აბიტინო** სიტყვა „სამოსის“ (abito) კნინობითი ფორმა: ქსოვილზე ნაქარგი ან ქსოვილის პატარა პარკში ჩასმული მცირე ზომის წმიდა ხატი, რომელსაც ყელსაბამის მსგავსად, ტანსაცმლის ქვეშ ატარებენ მონიწეზის ნიშნად.

აბორტი, აბორტიის სახეობის მრავალფეროვანი სახეები

**აბორტი** [ლათ. abortus, წარმოებული ზმნიდან aboriri (უარყოფითი ნაწილაკი ab + oriri „დაბადება“)] ორსულობის ნებაყოფლობითი შეწყვეტა ანუ ნაყოფის განადგურება არასიცოცხლისუნარიან ასაკში საშვილოსნოდან მისი განდევნის გზით. აბორტის დაგმობა საეკლესიო მოძღვრების უცვლელი საკითხია, რაც ვატიკანის მეორე კრებამაც განამტკიცა შემდეგი სიტყვებით: „აბორტი, ისევე როგორც ბავშვის მკვლელობა, საშინელი დანაშაულია“ (GS 51). აბორტი განკვეთით ისჯება (CIC კან. 1398).

**აბსოლუტური** [ლათ. absolutus, ნამყოს მიმღეობა ზმნისა absolvere „განთავისუფლება“] ის, რაც არაა გან-

პირობებული ან დამოკიდებული რამე სხვაზე, „სრულია თავისთავად და თავისით“, არაა დაკავშირებული წარმავალობის ქმნადობასთან და დროისა და სივრცის კატეგორიებთან.

აგნოსტიციზმი

**აგნოსტიციზმი** [ბერძნულიდან ágnostos „უცნობი“] ეს სიტყვა 1869 წელს შექმნა ინგლისელმა ნატურალისტმა თ. ჰაქსლიმ (1825-1895). აგნოსტიციზმი აღნიშნავს იმ ადამიანის პოზიციას, რომელიც თავს იკავებს მეცნიერული თვალსაზრისით გადაუწყვეტელ პრობლემათა შესახებ მოსაზრების გამოხატვისაგან. ფილოსოფიაში აგნოსტიციზმი აღნიშნავს სულიერ დამოკიდებულებას, რომელიც უარს ამბობს, გამოხატოს საკუთარი განსჯა აბსოლუტისა და ღმრთაებრივის არსებობისა და ბუნების შესახებ.

აგრაფა, აგრაფის სახეობის მრავალფეროვანი სახეები

**აგრაფა** [ბერძ. ἄ ἄ-grapha(lógia) „დაუწერელი (სიტყვები)“] ამ სიტყვით აღინიშნება იესოს კანონიკურ სახარებაში ჩაუნერელი სიტყვები, გადაცემული ტრადიციისა და აპოკრიფების მეშვეობით.

ადვენტი, ადვენტიის სახეობის მრავალფეროვანი სახეები

**ადვენტი** [ლათ. adventus „მოსვლა“] ქრისტიანულ სახელდებაში ადვენტი აღნიშნავს მესიის მოსვლას, ვისაც ხანგრძლივად ელოდა ებრაელი ხალხი და რაც ქრისტიანთათვის იესო ქრისტეს განკაცებით აღსრულდა. მაგრამ ქრისტეს მოსვლა ჯერ სრულად არ განხორციელებულა: მსხემი ეკლესია ისევ ელის პარუსიას, მისი დიდებით დაბრუნებას. ლიტურგიაში ადვენტი ეწოდება შობის წინა პერიოდს, რომელიც ლიტურგიული წლის დასაწყისს აღნიშნავს. მისი პირველი ნაწილი მორწმუნეებს ქრისტეს დიდებული მოსვლის მოლოდინისათვის განაწყობს, მეორე კი (17-24 დეკემბერი) შობის ზემიისთვის ამზადებს. რომაულ წესში ადვენტი ოთხ კვირას გრძელდება, ამბროსისეულში კი — ექვს კვირას.

**ადვენტისტები** [ლათ. adventus „მოსვლა“] ასე უწოდებენ ცალკეულ ქრისტიანულ სექტათა მიმდევრებს, რომლებიც ახლო მომავალში ელიან იესო ქრისტეს მეორე და საბოლოო „მოსვლას“. ამ მოძრაობის ფუძემდებლად მიჩნეულია უილიამ მილერი (1782-1849), ბაპტისტი ფერმერი მასაჩუსეტსიდან, რომელმაც „ჟამთა დასასრულის“ დადგომა 1843 წლისთვის ივარაუდა.

ადვენტი

## საგანგებო ჩანართი

ადვენტი

ამჟამად 50-ზე მეტი ადვენტისტური სექტა არსებობს. მათ შორის ყველაზე ცნობილია მეშვიდე დღის ადვენტისტები.

ადვენტი

**ადმინისტრატორი** კანონიკური სამართლის კოდექსი ადმინისტრატორის სამ სახეობას აყალიბებს: ა) სამოციქულო ადმინისტრატორი: პირი, რომელსაც აკისრია სამწყსო ხელმძღვანელობა და მართვა უმაღლესი პონტიფექსის სახელით „ღმრთის ხალხის განსაზღვრული ნაწილისა, რომელიც საგანგებო და განსაკუთრებულად ღრმა მიზეზთა გამო არ არის დაარსებული დიოცეზად“ (CIC, კან. 371); მას ეწოდება სამოციქულო სავიკარიუსო ან სამოციქულო პრეფექტურა. ბ) სადიოცეზო ადმინისტრატორი: პირი, რომელსაც ევალება დიოცეზის მართვა იმ პერიოდში, როდესაც ეპისკოპოსის თანამდებობა ვაკანტურია (CIC, კან. 421); გ) სამრევლო ადმინისტრატორი: ეპისკოპოსის მიერ დანიშნული პირი, რომელიც განაგებს საკრებულოს, როდესაც ვაკანტურია წინამძღვრის თანამდებობა, ან წინამძღვარს არ შეუძლია სამწყსო საქმიანობის განხორციელება (CIC, კან. 539).

ადონაი

**ადონაი** [ებრ. სიტყვა „უფალო ჩემო“] ღმრთის საზოგადო მიმართვა-მოხმობა (დაბ. 15:2.8; 18:3.27, შმდ.; 19:18) და სახელი (ეს. 6:1). განდევნის შემდეგ მან შეცვალა წმიდა ტექსტებში იაჰვეს (**Jhwh**) სახელი, რომლის წარმოთქმაც შეუძლებელი იყო. სახელ **Jhwh** -ს თანხმოვანთა შორის სიტყვა „ადონაი“-ს ხმოვანთა ჩასმის შედეგად (=JaHo WaH) წარმოიქმნა შუა საუკუნეებში გავრცელებული მცდარი გამოთქმა იეჰოვა. ნ. იეჰოვას მონმენი, უფალი, კირიოს.

ადოციონიზმი

**ადოციონიზმი/ადოციანიზმი II** საუკუნიდან აღმოცენებული ერესი, რომელიც აღმოცენდა ესპანეთში IV ს.-ის დასასრულსა და VIII ს.-ში და რომლის თანახმაც იესო ნაზარეველი ღმრთის მიერ „აყვანილ“ შეილად მიიჩნეოდა. ამ მიმდინარეობის მიმდევართათვის იესო იყო უბრალო ადამიანი, რომელმაც თავისი სიქველითა და მორჩილებით ღმრთისაგან შეილად აყვანის პატივი დაიმსახურა.

ავგუსტინელი

**ავგუსტინელი** უკავშირდება ჰიპონელ წმ. ავგუსტინეს (354-430) ან ერთ-ერთ იმ რელიგიურ ორდენს, რომლებიც წმ. ავგუსტინეს წესდებას მისდევს (წ. ავგუსტინეს წესდება). ავგუსტინელობა შუა საუკუნეებში აღმოცენდა და გავრცელდა, როდესაც ავგუსტინელთა რელიგიური გამოცდილება იურიდიულად ჩამოყალიბდა წესდების კანონიკოსთა, სამონასტრო-სამხედრო ორდენებისა (წ. მალტის ორდენი, ტევტონთა ორდენი და ა.შ.) და უპოვართა ორდენების სახით. შუა საუკუნეებში, ასევე, დაარსდა ავგუსტინელ ქალთა სხვადასხვა მონასტერი, შემდგომში კი — საეროთა მესამე ორდენი.

ათეიზმი

**ათეიზმი** [ბერძ. a-theós სიტყვასიტყვით „ღმრთის გარეშე“, „უღმრთო“] აღნიშნავს იმ ადამიანთა იდეოლოგიურ პოზიციას, ვინც უარყოფს ღმრთის არსებობას. ათეიზმი შეიძლება იყოს: თეორიული ანუ ჭვრეტიით, როდესაც ღმრთის არსებობის ფორმალურ უარყოფას-

თან გვაქვს საქმე; პრაქტიკული, როდესაც ადამიანი ისე იქცევა, თითქოს ღმერთი არ არსებობდეს; სკეპტიკური, როდესაც ადამიანს გადაულახავად მიაჩნია ეჭვი ღმრთის არსებობის შესახებ; აგნოსტიკური, როდესაც ღმრთის არსებობის დაუმტკიცებლობა „აბსოლუტურად“ მიიჩნევა; თეორიულ-პოზიტიური, როდესაც საქმე გვაქვს ღმრთის არსებობის ნებისმიერი მტკიცებულების უარყოფის მცდელობასთან და იმის მტკიცებასთან, რომ ნამდვილი მტკიცებულება არასოდეს წარმოდგენილა და მისი წარმოდგენა ვერასოდეს გახდება შესაძლებელი.

აიათოლა, აიათოლის სახეობის მრავალფეროვანი სახეები

**აიათოლა** [არაბ. ayat Allah „ღმრთის ნიშანი“] შიიტი მუსლიმები ასე უწოდებენ დიდ თეოლოგებს, მოძღვრებსა და ყურანის განმმარტებლებს, რომლებსაც ხალხზე რელიგიურ-პოლიტიკური გავლენა აქვთ.

აკოლითოსი, აკოლითოსის სახეობის მრავალფეროვანი სახეები

**აკოლითოსი** [ბერძნ. akólythos „თანამგ ზავრი“, „ის, ვინც მიჰყვება“ და, ფართო მნიშვნელობით, „ის, ვინც ემსახურება“; გვიან ლათინურში **akólythos** ასე ეწოდება დანიშნულ და არა ხელდასხმულ ღმრთისმსახურს, რომელსაც ევალება წირვის მომსახურება, მღვდლისა და დიაკვნის დახმარება ლიტურგიულ მსახურებაში, განსაკუთრებით, წირვის აღვლენის დროს; მას, საგანგებო მსახურის ხარისხში, შეუძლია ზიარების მიცემა, წმიდა ნაწილების გამოტანა თავყვანისცემისათვის მორწმუნეთა წინაშე და შემდეგ მისი კვლავ შენახვა ტაბერნაკულუმში.

ალაჰი, ალაჰის სახეობის მრავალფეროვანი სახეები

**ალაჰი** ღმრთის სახელი ისლამში; შედგება სიტყვი-საგან „ღმერთი“, რომელსაც დართული აქვს ნაწევარი. ალაჰის შესახებ ყველაზე მნიშვნელოვან დებულებას წარმოადგენს ისლამური სარწმუნოების აღსარების, შაჰადის, პირველი ფრაზა: „არ არსებობს სხვა ღმერთი გარდა ღმრთისა“ („ლა ილაჰა ილლალაჰ“). ისლამის თანახმად, ადამიანურ საზომთა მეშვეობით ღმრთის უფრო ზუსტი განსაზღვრების შეუძლებელია, რადგანაც ღმრთის მსგავსი არაფერი არსებობს (ყურანი, 112,4; 42,11). თუმცა, იმავე ყურანში ღმრთის კონცეპტუალური განსაზღვრების მიზნით მოყვანილია ეგრეთ წოდებული „99 კეთილი სახელი“, რომლებიც სხვადასხვაგვარად აღწერს ღმრთის თვისებებს (მაგ. ალაჰი მონყალეა, ლმოზიერია, შემოქმედია, მსაჯულია...).

ალგორია, ალგორიის სახეობის მრავალფეროვანი სახეები

**ალგორია** [გვიანლათ. allegoria (ბერძ. állos „განსხვავებული“ + წარმოებული ფორმა სიტყვიდან **agoréinein** „ლაპარაკი“)]. რიტორიკული სიმბოლო გარკვეული რეალობის გადმოსაცემად, რომლის მეშვეობითაც ადამიანმა მისგან განსხვავებული სხვა რეალობა შეიძლება იგულისხმოს. ცნობილია ბიბლიის ალეგორიული ინტერპრეტაცია. წმ. ამბროსიმ ამგვარად განსაზღვრა ალგეორია: „**Allegoria est, cum aliud geritur et aliud figuratur**“ (ალეგორია ისაა, რითაც სხვა გამოიხატება და სხვა ჩამოყალიბდება).

ალელუია, ალელუიის სახეობის მრავალფეროვანი სახეები

**ალელუია** [ებრ. hallelù ù (ბრძანებითი კილო სიტყვისა hillel) „ადიდეთ“ და jah (შემოკლებული ფორმა სიტყვისა Jhwh) „უფალი“] ლიტურგიული შეძახილი, რომელიც

## საბა

## საბა

## საგანგებო ჩანართი

წინ უძღვის ფსალმუნებს **104-106**; **111-113**; **115-117**; **135**; **146-150**. სააღდგომო პერიოდის ტიპური შეძახილი. ხშირად გალობით შერულებული „აღელუია“ წირვისას წინ უძღვის სახარების წაკითხვას, გარდა დიდი მარხვის პერიოდისა.

ალიანსის ლოგოტიპი

**ალიანსი** ცალკეულ პროტესტანტულ ორგანიზაცი-ათა სახელწოდება: ა) **ევანგელური ალიანსი** (Evangelical Alliance) დაარსდა 1846 წელს, ლონდონში, სხვა-დასხვა სექტისა და სხვადასხვა ერის წარმომადგენელი 800 დელეგატის მიერ. ცხრა პუნქტისგან შემდგარ მის „სამოძღვრო საფუძველში“ ჩამოყალიბებულია წმიდა წერილის ინტერპრეტაციისას პიროვნული შეფასების უფლება და ვალდებულება, ამასთანავე, ცოდვის მხოლოდ რწმენით გამართლება; ბ) **პრესვიტერული ალიანსი ანუ რეფორმირებულ ეკლესიათა ალიანსი**, რომლე-ბიც პრესვიტერული სისტემის თანახმად მოქმედებს. ეს გაერთიანება 1875 წელს დაარსდა ცალკეულ პრეს-ვიტერულ ეკლესიათა შორის ურთიერთობათა და მათი მისიონერული საქმიანობის ხელშეწყობის მიზნით; გ) **მსოფლიო ბაპტისტური ალიანსი** (Baptist World Alliance): 1905 წელს დაარსებული ეს ორგანიზაცია დაახლოებით 112 ქვეყნის 137.000 ადგილობრივ ეკლესიას აერთიანებს, მისი მთავარი ცენტრი ვაშინგტონში მდებარეობს. ორგანიზაცია მიზნად ისახავს, იყოს „მთელი მსოფლიოს ბაპტისტთა საშუალება სამი მიზნის მისაღწევად. ეს მიზნებია: აა) ბაპტისტურ ეკლესიათა შორის ერთიანობისა და მეგობრობის განმტკიცება და ხელშეწყობა; ბბ) რელიგიური თავისუფლების უზრუნველყოფა და დაცვა; გგ) საერთო [ბაპტისტური] რწმენის მთავარი პრინციპების განცხადება“.

ალიტურგიის დროს

**ალიტურგიული** [უარყოფის გამომხატველი თავსართი ა + ლიტურგიული] ასე ეწოდება დღეებს, როდესაც ევქარისტია არ აღსრულდება: დიდ პარასკევსა და დიდ შაბათს. ამბროსისეულ ლიტურგიაში, ასევე, ალიტურ-გიულია დიდი მარხვის ყოველი პარასკევი.

ალმუცია, ალმუციის მონაწილე

**ალმუცია** [გვიანლათ. almutia] ბენჯის/ტყავის მოსასხამი კაპიუშონით, რომელსაც ატარებდნენ კანონიკო-სები. ეწოდებოდა, აგრეთვე, მოცეტა.

ამარტიოცენტრიზმი

**ამარტიოცენტრიზმი** (Amartiocentrismo) [ბერძნული-დან amartía „ცოდვა“ + სიტყვა „ცენტრის“ წარმოებული ფორმა] თეოლოგიური კონცეფცია, რომელიც ცოდვას ცენტრალურ ადგილს ანიჭებს ისტორიაში და მას მიიჩნევს უმნიშვნელოვანეს და განმსაზღვრელ ელემენტად.

ამალღება, ამალღების მონაწილე

**ამალღება** [ლათ. ascensio „აღმასვლა, ასვლა“] დღე-სასწაული, რომელიც აღინიშნება აღდგომიდან ორმოცი დღის შემდეგ მკვდრეთით აღმდგარი იესოს ცად ამალღების მოსაგონებლად (შდრ. საქ. 1:4-12) და რომელიც ასრულებს იესოს განდიდებას, დაწყებულს მისი აღდგომით.

ამბიონი, ამბიონის მონაწილე

**ამბიონი** [ბერძ. anabáinein „ასვლა“] განსხვავებით მქადაგებლის კათედრისაგან, ამბიონი ქვის ან ხის შემალღებაა, საიდანაც ლიტურგიის დროს ცხადდება

ღმრთის სიტყვა, ფსალმუნის რესპონსორიუმი, სააღდგომო სადიდებელი. ამბიონიდან შესაძლება ქადაგები-სა და საყოველთაო ლოცვის წარმოთქმა.

ამბროსისეული

**ამბროსისეული** მილანის (მედიოლანის) ეპისკოპო-სის, წმ. ამბროსის, სახელთან დაკავშირებული. ამბრო-სისეული წესი ეწოდება ლიტურგიულ წესს, გავრცელე-ბულს მილანის თითქმის მთელ ეპარქიასა და რამდენიმე მიმდებარე ზონაში. ის გარკვეულ თავისებურებებით ხასიათდება: ადვენტი გრძელდება ექვს და არა ოთხ კვირას, როგორც ეს რომაულ წესითაა მიღებული; დი-დი მარხვა იწყება არა ნაცრის ოთხშაბათს, არამედ მის მომდევნო კვირადღეს; წირვისას შერიგების ხე-ლისჩამორთმევა წინ უსწრებს შეწირულებას; მრწამსი შეწირულებას მოსდევს, პურის გატეხა კი ევქარისტი-ული ლოცვის დასასრულს, „მამო ჩვენო“-ს ლოცვამდე სრულდება.

ამენ, ამენის მონაწილე

**ამენ** [ებრ. ფუძიდან „aman“, „გაძლება“, „მტკიცედ დგომა“] ნიშნავს „ასეა“, „მართალია“, „უეჭველად“, „ნამდვილად“. სეპტუაგინტაში ესაიას სიტყვები „ჭეშმარიტი ღმერთი“ (ეს. 65:16) ითარგმნება როგორც theós amen იოანეს გამოცხადებაში ქრისტეს ეწოდება „ამენი“ (გამოცხ. 3:14), რადგანაც ის ჭეშმარიტებას ამონიებს. აქვს, აგრეთვე, ზმნიზედური ფუნქციაც და გამოხატავს მსმენელის თანხმობას („დიახ, უეჭველია“) მოსაუბრის სიტყვების მიმართ, შერწყმულს ნათქვამის ახდენის სურვილთან (შდრ. 3 მეფ. 1:36; იერემ. 11:5; 28:6). ამგვარად „ამენი“ რელიგიური შეძახილის მნიშვნელო-ბას იძენს, განსაკუთრებით — საკულტო მსახურებაში (შდრ. ნემე. 5:13; 8:6). დამახასიათებელია იესოს მიერ „ამენ“-ის გამოყენება: ესაა დამადასტურებელი ფორ-მულა: „ამენ გეტყვი თქვენ/შენ“ („Amen dico vobis/tibi“) რომელიც 28-ჯერ გვხვდება მათეს, 14-ჯერ მარკოზის, 7-ჯერ ლუკასა და 26-ჯერ, ორმაგი ფორმით, იოანეს სა-ხარებებში: „ამენ, ამენ გეტყვით თქვენ“ („Amen, amen, dico vobis „) ანუ „ჭეშმარიტებას გეუბნებით თქვენ“. „ამენ“ სპონტანურად გადმოვიდა ებრაული ლიტურგი-იდან ქრისტიანულში, როგორც დამსწრეთა თანხმობის გამომხატველი შეძახილი.

ამერიკანიზმი, ამერიკანიზმის მონაწილე

**ამერიკანიზმი** ეს ცნება გულისხმობს ეკლესიის მოძღვრებასთან დაპირისპირებულ შეხედულებათა კომ-პლექსს, რომელიც იზიარებს ამერიკული ლიბერალური აზროვნების ცალკეულ ნიშნებს. ის განსაკუთრებულ მნიშვნელობას ანიჭებს ქრისტიანის ბუნებრივ სიქველევებს, ავტორიტეტის პრინციპის შემსუბუქებასა და განსაზღვრულ დოგმათა ახლებური ინტერპრეტაციის აუცილებლობას. ამერიკანიზმს უკავშირდება, ასევე, სწრაფვა სინდისის თავისუფლებისა და კათოლიკეთა ქმედების მეტი თავისუფლებისკენ. ამავე დროს, მი-სი მომხრეები მხარს უჭერდნენ ეკლესიის მეტ გახსნი-ლობას თანამედროვე კულტურის მოთხოვნილებათა მიმართ (American Way of Life) ამერიკანიზმის გამოჩე-ნილი წარმომადგენელი იყო ყოფილი რედემპტორისტი ისააკ ჰეკერი († 1888). მან 1858 წელს დააფუძნა წმ. პავლეს სახელობის მისიონერული საზოგადოება, რომ-ლის მიზანი იყო პროტესტანტ მორწმუნეთა კათოლიკე

## საგანგებო ჩანართი

ეკლესიის წიაღში მოქცევა.

ანიშნა, ანიშნის მონაწილე

**ანიქტუსი** [ლათ.amictus „ზედა ტანსაცმელი“] თეთ-რი სელის ქსოვილი, თითქმის ყოველთვის ოთხკუთხა ფორმისა, რომელსაც მღვდელმსახური მხრებსა და კი-სერზე მოიდებს, როგორც უპირველეს ლიტურგიულ სა-მოსელს, წირვის აღვლენის ან სხვა ლიტურგიული წესის აღსრულების დროს. ის წელზე ორი ზონრით მაგრდება.

ანაბაპტისტები

**ანაბაპტისტები** [ბერძნ. anabaptístés, წარმოებული ზმნიდან anabaptízein „ხელახლა მონათვლა“; შემდეგ ლათინურში მიიღო ფორმა anabaptista] ანაბაპტისტე-ბი XVI ს.-დან აღნიშნავს, ასევე, კატაბაპტისტებად, ბაპტისტებად ან ხელახლა მნათველეებად წოდებულ პროტესტანტებს. გადატანითი მნივნელობით ანაბაპ-ტისტი აღნიშნავს, აგრეთვე, იმ პროტესტანტებს, რომ-ლებიც უარყოფენ ბავშვების ნათლობას და მხოლოდ ზრდასრულ ადამიანებს ნათლავენ, თანაც ნათლობა სრულდება არა როგორც საიდუმლოება, არამედ, რო-გორც „მცნება“. ვიწრო ისტორიული თვალსაზრისით, ანაბაპტისტები, ლუთერის განსაზღვრების თანახმად, ის „ფანატიკოსები“ არიან, რომლებიც „ცვიკაუს წი-ნასწარმეტყველებს“ უწოდებდნენ თავს და რომელთა მეთაურიც 1520 წელს გახდა თომას მიუნცერი ვალ-დშუდან. იგი, მილენარისტული და სოციალისტური იდეებით შთაგონებული, 1525 წლის „გლეხთა ომში“ ჩა-ება ეგრეთ წოდებული „თორმეტი მუხლის“ დასაცავად. დამარცხების შემდეგ მიუნცერი დაატყვევეს და თავი მოკვეთეს, თუმცა მეთაურის სიკვდილის შემდეგ სექ-ტას არსებობა არ შეუწყვეტია, — ის უმთავრესად გერ-მანიაში, შვეიცარიასა და ნიდერლანდებში გავრცელდა.

ანამნეზა/გახსენება

**ანამნეზა/გახსენება** [ბერძ. anámnesis „გახსენება“] ევქარისტული ლოცვის ნაწილი, რომელიც მოსდევს დაფუძნების თხრობასა და კურთხევას და რომლითაც ეკლესია „იხსენებს“ ქრისტეს ვნებას, სიკვდილსა და მკვდრეთით აღდგომას, შესაბამისად იესოს ბრძანები-სა: „ეს გააკეთეთ ჩემს მოსაგონებლად“ (ლუკ. 22, 19).

ანათემა, ანათემის მონაწილე

**ანათემა** [კლასიკ. ბერძ. anáthema (ზმნიდან anatithé-nai „ზემოდან დადება“)] ღმრთისადმი მიძღვნილი „ალ-თქმული შესანირაავი“; შემდეგ, ბიბლიურ ბერძნულ ენაში აღნიშნავდა ღმერთისთვის პატივის მისაგებად განადგურებულ პირს ან საგანს; დასასრულ, ქრისტი-ანული გაგებით, ამ სიტყვამ „შეჩვენების“ მნიშვნელო-ბა შეიძინა. საეკლესიო ენაში ანათემა ერეტიკული ან არასწორი დებულების დაგმობას ან განკვეთას აღნიშ-ნავს. ეს უკანასკნელი წარმოადგენს გამაჯანსაღებელ დამსჯელ სანქციას ან საეკლესიო სადისციპლინო ზო-მას, რომლის ძალითაც მორწმუნე გამორიცხულია ეკ-ლესიასთან ერთიანობისაგან და მოკლებულია სულიერ სიკეთეს.

ანაფორა, ანაფორის მონაწილე

**ანაფორა** [ბერძ. anaphorá, მომდინარე ზმნიდან anaphérein „აღყვანა“] ევქარისტიის ცენტრალური სა-კულმინაციო მომენტი, პრეფაციუმიდან ქება-დიდებამ-დე, ევქარისტული ლოცვის სინონიმი. თავდაპირველად აღნიშნავდა ევქარისტული წესის აღსრულებისას შესა-

წირავ პურს.

ანაქორეტი

**ანაქორეტი** [ბერძ. anachorein „განდგომა“; შემდგომ, საეკლესიო ლათინურში დამკვიდრდა ფორმა **anacho-reta**] განდევილი, რომელიც უდაბნოში ან სხვა განმარ-ტოებულ ადგილას სახლდება, რათა, ასკეტიზმისა და მჭვრეტელობის მეშვეობით, ღმერთთან სიღრმისეული ერთიანობა მოიპოვოს. III ს.-ში ამგვარი განდევილობის მიმდევართა სიმრავლის გამო ამ მოვლენამ მნიშვნელო-ვანწილად სამონესეო ხასიათი შეიძინა. ანაქორეტთა მიერ არჩეული განმარტოების ყველაზე ცნობილი ად-გილი იყო თებაიდის უდაბნო ეგვიპტეში.

ანგელოზი

**ანგელოზი** [ბერძ. ánghelos (რაც წარმოადგენს თარ-გმანს ებრ. სიტყვისა mal'eak) „მაცნე“; შემდგომ ლა-თინურში დამკვიდრდა ფორმა angelus] ადამიანსა და ღმერთს შორის შუალედური ბუნების მქონე სულიერი ქმნილება, ღმრთის მაცნე. ბიბლიაში ანგელოზის მრავალი მოვლინებაა აღწერილი, უმეტესწილად ადამიან-ური იერით. ასე გამოეცხადა ანგელოზი აგარს (შდრ. დაბ. 16:7), აბრაამს (შდრ. დაბ. 18:1-2), ლოტს (შდრ. დაბ. 19:1), იაკობს (შდრ. დაბ. 28:12). ძველი აღთქმა გამოკ-ვეთილად არ აღწერს ანგელოზთა შექმნას, თუმცა ეს თავისთავად იგულისხმება იმ ფაქტიდან გამომდინარე, რომ ერთადერთი ღმერთია ყველა არსების შემოქმედი (შდრ. გამ. 20:11; ფსალმ. 148:1-5). მიწიერ სამოთხეში გველის სახით მაცდურის არსებობა (შდრ. დაბ. 3:1-15) ანგელოზთა დაცემისა და დემონებად მათი გადაქცევის ფაქტზე მიუთითებს. ანგელოზები ზრუნავენ ადამიან-ებზე: იხსნიან ლოტს (შდრ. დაბ. 19), ტობიასა და სა-რას (შდრ. ტობ. 12:14-15), სამ ახალგაზრდას ლუმელში (შდრ. დან. 3:49). ზოგჯერ, ღმრთაებრივი ბრძანებით, სჯიან ადამიანებს (შდრ. დაბ. 19:11; 4მეფ. 24:16-17). ძველ აღთქმაში გვხვდება ასევე განსაკუთრებული ან-გელოზი — ესაა იაჰვეს ანგელოზი, რომელიც ღმრთა-ებრივი მაცნის სახით წარმოდგება და ამასთან, სა-უბრობს და მოქმედებს, როგორც ღმერთი (შდრ. დაბ. 16:10-13; 31:11-13 და სხვ.). ეკლესიის არაერთმა მამამ და მოძღვარმა ეს არსება თეოფანიად (ადამიანთათვის ღმრთის გამოცხადებად) მიიჩნია. ახალ აღთქმაში ანგე-ლოზები წარმოადგენილი არიან იმ უხილავ (შდრ. კოლ. 1:16) სულებად (შდრ. ებრ. 1:14), რომელთაც არა აქვთ ხორციელი ურთიერთობები (შდრ. მათ. 22:30). აქ გარ-კვევითაა საუბარი მათი დაცემის შესახებ (შდრ. იუდ. 6; 2პეტ. 2:4). იოანეს გამოცხადება განსაკუთრებით მდი-დარია ანგელოზთა ხატებით, რაც ამ ნაწარმოების ლი-ტერატურული ჟანრითაცაა განპირობებული. ფსევდო-დიონისე ანგელოზებს ცხრა „დასად“, ანუ კატეგორიად ყოფს, რომლებიც სამი საფეხურის მიხედვითაა დაჯგუ-ფებული: სერაფიმნი, ქერუბიმნი, საყდარნი; უფლებანი, ძალნი, ხელმწიფებანი; მთავრობანი, მთავარანგელოზ-ნი, ანგელოზნი.

ანგელოზი

**„ანგელოზი“** [ლათ. Angelus „ანგელოზი“] ტრადიცი-ული ლოცვა ღმრთისმშობლისადმი, აგებული ხარებისა და ქრისტეს განკაცების საიდუმლოებაზე. ლოცვის სა-ხელწოდება მისი პირველი სიტყვიდან მომდინარეობს. ლოცვა სამი ანტიფონისაგან შედგება, თითოეულ მათ-

## საბა

## III

## IV

## საბა

## საგანგებო ჩანართი

განს მოსდევს: „გიხაროდენ“. სრულდება ერთი მუხლი-თა და ლოცვით. სააღდგომო პერიოდში „ანგელოსის“ ნაცვლად აღევლინება „დედოფალო ზეცისაო“. XIII სა-უკუნეში პაპმა გრიგოლ IX-მ დაამკვიდრა „ანგელოზის“ დილით, შუადღესა და საღამოს აღვლენის ტრადიცია.

**ანგლიკანელობა** (Anglicanesimo ინგლისის ეკლესი-ის (Church of England) ინსტიტუციათა და მოძღვრება-თა ერთობლიობა. ანგლიკანელობა, ასევე, აღნიშნავს დიდი ბრიტანეთისა და სხვა ქვეყნების „ანგლიკანურ ერთიანობასა“ და კენტერბერის მთავარეპისკოპოსის დაქვემდებარებაში მყოფ ეკლესიათა ერთობლიობას. ანგლიკანიზმის ფესვები 1215 წლის დოკუმენტში, „თა-ვისუფლების დიდ ქარტიაში“ (Magna carta libertatum ) შეიძლება მოიძებნოს. რომის ეკლესიასთან სქიზმა 1534 წელს მოხდა, როდესაც ინგლისის პარლამენტმა მოიწონა „უზენაესობის აქტი“, რომელიც მეფე ჰენრი VIII-ს (და ტახტის მომდევნო მემკვიდრეებს) ინგლისის ეკლესიის ერთადერთ და უზენაეს მეთაურად აღიარებ-და (supreme head in earth of England) რომთან განხეთ-ქილება განაახლა დედოფალმა ელისაბედ I-მა (1558-1603) დოკუმენტით „თანაბრობის აქტი“ (1559) და ეგრეთ წოდებული 39 მუხლით (1563). ანგლიკანელობა სწრაფად გამოიკვეთა განსხვავებული პოზიციები (რაც ეკონომიკურ-სიციალური ვითარებითაც იყო განპირო-ბებული), რომელთა საფუძველზეც ჩამოყალიბდა: ა) **მაღალი ეკლესია** (High Church) რომელმაც მეტი ერთი-ანობა შეინარჩუნა კათოლიკურ ეკლესიასთან როგორც ლიტურგიული, ისე საეკლესიო ორგანიზაციის თვალ-საზრისით; ბ) **დაბალი ეკლესია** (Low Church) რომელიც ხაზს უსვამს პროტესტანტიზმის ინოვაციურ იდეებს და მხარს უჭერს პრესვიტერულ პროტესტანტიზმთან სოლიდარობას; გ) **ფართო ეკლესია** (Broad Church) რომელსაც დღეს „ლიბერალურს“ უწოდებენ. ეს უკ-ანასკნელი ღიაა თავისუფალი ინტერპრეტაციის პო-ზიციათა მიმართ, რომლებიც უპირისპირდება მკაცრ მართლმორწმუნეობას. დღეს ანგლიკანელობა მოიცავს ხალხებს, რომლებიც დედოფალს საკუთარი ეკლესიის მეთაურად აღიარებენ; მას დაახლოებით 65 მილიონი მორწმუნე იზიარებს. საეპისკოპოსოები (საერთო ჯამ-ში 365 დიოცეზი) კენტერბერის მოქმედ მთავარეპისკო-პოსს ექვემდებარება. ინგლისის ეკლესიის კანონმდე-ბელი ორგანოა ეპისკოპოსთა, მღვდელთა და საეროთა სამი პალატისგან შემდგარი ეროვნული ასამბლეა. ინ-გლისის ეკლესიასთან დაკავშირებული გადანყვეტილე-ბები მოითხოვს პარლამენტის დადასტურებასა და მო-ნარქისეულ რატიფიკაციას.

**ანთროპომორფიზმი** [ბერძ. ántropos „ადამიანი“ + წარმოებული ფორმა სიტყვისა morphé „ფორმა“] ადამი-ანის მიდრეკილება, საკუთარი თავი და საკუთარი შინა-განი სამყარო გარემომცველი სამყაროსა და ღმრთაებ-რიობის აღქმაზე გადაიტანოს.

**ანიმიზმი** [მომდინარეობს ლათინური სიტყვიდან anima „მაცოცხლებელი ქროლა“] ფილოსოფიაში ამ სიტყვით აღინიშნება ყველა ის კონცეფცია, რომელ-თა თანახმადაც თითოეულ არსებას აქვს სამშეინველი,

როგორც აქტივობის შინაგანი სანყისი; ეთნოლოგიაში კი — ზოგიერთი პირველყოფილი ხალხის მისწრაფება, მიაკუთვნონ სამშეინველი არა მხოლოდ ადამიანს, არ-ამედ, ასევე, საგნებსაც. ანიმისტურს უწოდებენ განსა-კუთრებით იმ ტომებს, რომლებშიც მიცვალებულთა და სამშეინველთა საგანგებო კულტია გავრცელებული.

**ანომოელები** [ბერძ. anómoios „განსხვავებული“] ასე ეწოდებოდა არიელი ერეტიკოსის ეციუსის (IV ს.) მიმდევრებს. ეციუსის მტკიცებით, მხოლოდ მამა იყო ღმერთი, როგორც შეუქმნელი, ძე კი მისგან სრული-ად განსხვავებული (anómoios) ბუნებისა იყო. ცნობილი არიან ასევე ეციუსელთა სახელითაც.

**ანტიკლერიკალიზმი** [ანტი + clericus-ის წარმოებული ფორმა] იდეათა, დამოკიდებულებათა, ტენდენციათა ერთობლიობა, რომელსაც ახასიათებს მტრული დამო-კიდებულება სამღვდელოების ან საერო და პოლიტი-კურ სფეროებში საეკლესიო ძალაუფლების პირდაპი-რი თუ არაპირდაპირი ჩარევის მიმართ. XIX საუკუნის პოლიტიკურ-იდეოლოგიურ დებატებში პოლემიკურად გამოყენებული ეს ცნება აღნიშნავდა სამღვდელო-ებისა და საეკლესიო იერარქიის არარელიგიურ სფე-როებში ჩარევის აღკვეთისკენ მიმართულ ნებისმიერ ინიციატივას. ის, ასევე, აღნიშნავდა თანამედროვე სა-ხელმწიფოს მიერ საეკლესიო ძალაუფლების დაქვემ-დებარების მცდელობებს, ან, დასასრულ, კრიტიკულ დამოკიდებულებას სამღვდელოების, როგორც პრი-ვილეგირებული „კლასის“, ან მის მიერ საკუთარი მი-სიის შესასრულებლად გამოყენებული მეთოდების მი-მართ. ცნების გამოყენება არაზუსტი იქნება, თუკი მას მოვნყვეტთ XVII-XVIII საუკუნეების, უფრო მეტად კი — XIX საუკუნის ისტორიულ გარემოს, რომელშიც ის აღმოცენდა. ვოლტერისეული ხასიათის ინტელექტუ-ალურმა ანტიკლერიკალიზმმა პოლიტიკურ-სოციალ-ური განზომილებას მიაღწია, განსაკუთრებით, საფ-რანგეთის რევოლუციის დროს: სამღვდელოებასთან, უმთავრესად — მაღალ სამღვდელოებასთან ბრძოლა „ძველ რეჟიმთან“ (Ancien Régime) ბრძოლის არსე-ბით ნაწილად იქცა. ცნების პოლემიკური წარმოშობა განსაკუთრებულად ნათელია იტალიაში, სადაც ეკლე-სიასა და სახელმწიფოს შორის დამოკიდებულებათა პრობლემა რომის საკითხმა გაართულა. პაპის მითი-თებათა ერთგულად აღმსრულებელ ყველა კათოლიკის აღსანიშნავად სიტყვა „კლერიკალურს“ იყენებდნენ. ამიტომაც შესაძლებელი იყო ანტიკლერიკალიზმში დადანაშაულება მთელი ლიბერალური პოლიტიკური კლასისა, რომელიც ზომიერ კათოლიკეებსაც მოიცავ-და. XIX საუკუნის მეორე ნახევარში, რადიკალური თუ სოციალისტური მიმართულების პარტიათა და ორგა-ნიზაციათა აღმოცენებასთან ერთად, გამოიკვეთა ან-ტიკლერიკალიზმის ყველაზე ექსტრემისტული და ან-ტირელიგიური ასპექტები, რითაც მან გლეხობისა და პროლეტართა დიდი მასები მიიზიდა. XX საუკუნეში მომხდარ სოციალურ, პოლიტიკურ და კულტურულ ცვლილებათა შედეგად ანტიკლერიკალიზმი, — ყოველ შემთხვევაში, მეცხრამეტე საუკუნეში დამკვიდრებუ-ლი მისი ფორმა, — თანდათან შესუსტდა.

## V

## საგანგებო ჩანართი

**ანტიკონკორდატისტი/ანტიკონკორდატიზმი** სახელ-მწიფოსა და წმიდა საყდარს შორის ურთიერთობათა კონკორდატის მეშვეობით წარმართვის წინააღმდეგ განწყობილი პირი ან ამგვარი დამოკიდებულება. ისტო-რიულად ასე უწოდეს სქიზმატიკოს ფრანგ ეპისკოპო-სებს, რომლებმაც 1801 წელს ლონდონს შეაფარეს თავი და უარი თქვეს, გადამდგარიყვნენ, რასაც მათგან პაპი პიუს VII მოითხოვდა ნაპოლეონთან კონკორდატის შე-დეგად.

**ანტიკონფესიური** [ანტი + confessione-ს წარმოებ-ული ფორმა; „აღმსარებლობა“, „აღიარება“, „აღსარე-ბა“]. ნებისმიერი სახის რელიგიური აღმსარებლობის საწინააღმდეგო.

**ანტიპაპი** პირი, რომელიც არაკანონიკური გზით მო-იპოვებს პაპობას და ამ თანამდებობის ღირსებისა და ძალაუფლების მატარებლად აცხადებს თავს. მაშასა-დამე, საუბარია (ზოგჯერ კეთილი ზრახვით მოქმედ) უზურპატორზე, რომელიც მის ხელთ არარსებულ ძა-ლაუფლებას აღასრულებს, რადგანაც არ გააჩნია ლე-გიტიმური დანიშნულება, მართოს ეკლესია. ეკლესიის ისტორიაში ანტიპაპთა რიცხვი 25-დან 40-მდე მერყე-ობს. პირველი ანტიპაპი იყო წმიდა იპოლიტე, რომაელი მღვდელი (217-235), რომელიც კალისტეს წინააღმდეგ იქნა არჩეული სამოძღვრო მიზეზების გამო, შემდგომ-ში პაპ პონციანეს შეურიგდა და მასთან ერთად მოკვდა მონამებრივი სიკვდილით. უკანასკნელი ანტიპაპი იყო ფელიციუს V, ამადეუს VIII სავოიელი. ის ბაზელის სა-ეკლესიო კრებამ აირჩია ევგენი IV-ის წინააღმდეგ და 1440 წლის 24 ივლისს ეკურთხა პაპად, შემდეგ კი იმავე კრების მიერ იქნა გადაყენებული. იგი დაექვემდებარა პაპ ნიკოლოზ V-ს, რომელმაც მას კარდინალის წოდება უბოძა, გარდაიცვალა 1451 წელს.

**ანტიპენდიუმი** [ლათ. ante „წინ“ + pendere „ჩამოშვე-ბა, დაკიდება“] საკურთხევლის წინა მხარის დეკორატი-ული მორთულობა.

**ანტისემიტიზმი** [ანტი + „სემიტის“ წარმოებული ფორმა] აღნიშნავს ებრაელთა მიმართ მტრულ დამო-კიდებულებას. ისტორიულად ეს მტრობა ასურეთში, ბაბილონეთში, შუა და ზემო ეგვიპტეში დასახლებული ებრაული დიასპორის თემთა წინააღმდეგ აღმოცენდა (V ს.-დან ქრისტემდე), ოდენ ებრაელთათვის დამახა-სიათებელ მონოთეიზმზე რეაქციის სახით (როგორც ათეიზმისა და კაცთა მოდგმის მიმართ უპატივცემლო-ბის ბრალდება). მიუხედავად იმისა, რომ იუდეველობა religio licita-ად იყო აღიარებული, ამ ბრალდებას კვლავ მიუბრუნდნენ რომის იმპერიაში, რასაც სახელმწიფოს მხრიდან ზომების მიღება მოჰყვა: იმპერატორმა კლავ-დიუსმა ებრაელები რომიდან განდევნა (საქმ. 18:2); მათ წინადაცვეთა და იერუსალიმში ჩასვლა, რომელებს კი იუდაიზმის მიღება აეკრძალათ. ებრაელთა წინააღმდეგ მიმართული ქმედებები შემდეგ ქრისტიანებსაც შეეხო და ესეც გახდა იმის მიზეზი, რომ 140 წლიდან ქრის-ტიანი აპოლოგეტები თავიანთ ნაწერებში იუდაიზმის

წინააღმდეგ ილაშქრებდნენ. ასე დაედო საფუძველი ქრისტიანულ ანტისემიტიზმს და ეკლესიის შემდგო-მი განვითარებიდან იუდეოქრისტიანობის გაქრობას. ქრისტიანმა იმპერატორებმა (კონსტანტინემ 315 წელს; თევდოსი II-მ 417 და 423 წლებში; იუსტინიანემ 534 წელს) ებრაელებს ყოველგვარი უფლება ჩამოართვეს. ებრაელთა შევიწროება და მათზე ძალადობა (პოგ-რომები) შუა საუკუნეებში ევროპის ყველა კუთხეში გრძელდებოდა, რაც ადასტურებს იმ ფაქტს, რომ ებრა-ელები სხვადასხვა კრიზისულ ვითარებაში „განტყევების ვაცად“ მიიჩნეოდნენ. მხოლოდ განმანათლებლობამ გა-უხსნა გ ზა ჰუმანისტური არსის მქონე ფილოსემიტიზმს. ამან ხელი შეუწყო ებრაელთა ემანსიპაციას უმთავრე-სად ეკონომიკურ სფეროში. XIX საუკუნეში სარწმუნო-ებრივ ანტისემიტიზმს დაერთო რაციონალური ტიპის ანტისემიტიზმი, რომელიც XX საუკუნეში, სხვადასხვა გერმანულ მოძრაობათა ირაციონალურ ფანატიზმთან ერთად, ებრაელთა საწინააღმდეგო განწყობის მასაზ-რდოებელ წყაროდ იქცა. ამგვარმა განწყობამ შეამზა-და ადამიანები ებრაელთა განადგურების (ჰოლოკოს-ტი) ჰიტლერულ იდეათა მისაღებად. მეორე მსოფლიო ომის შემდგომ, მიუხედავად ანტისემიტიზმის სხვადას-ხვა ფორმის არსებობისა, ეს მოვლენა საყოველთაოდ იქნა დაგმობილი. რაც შეეხება რელიგიურ სფეროს, ვატიკანის II საეკლესიო კრებამ დაგმო ანტისემიტიზ-მი დეკრეტით **Nostra aetate**, რომელშიც ხაზგასმულია ქრისტიანთა და ებრაელთა საერთო სულიერი მემკვიდ-რეობა. პაპმა იოანე პავლე II ხელახლა აღნიშნა ეს თა-ვისი ოფიციალური ვიზიტის დროს რომის სინაგოგაში 1986 წლის 13 აპრილს.

**ანტიფონი** [ბერძ. antiphoné „ხმა ხმის პირისპირ“] IV საუკუნიდან აღნიშნავს საგალობლის შესრულებას ორი გუნდის მიერ იმგვარად, რომ ერთმა მათგანმა მეორეს უპასუხოს. ეს შესრულება განსხვავდება შეს-რულების უფრო ადრინდელი ხერხის, რესპონსორიუმ-ისაგან, რომლის დროსაც სოლისტს უპასუხებს მთელი ხალხი ფსალმუნის წინ გამოცხადებული ანტიფონით. იოანე ოქროპირი ადასტურებს: „რაკი ხალხმა მთლი-ანად არ იცის მთელი ფსალმუნნი, მან შესაბამისი ერთი მუხლი უნდა იგალობოს, რომელიც გარკვეულ უმაღლეს ქეშმარიტებას შეიცავს“. შემდგომში ანტი-ფონი წირვის შემადგენელი ნაწილი გახდა ცალკეულ წესთათვის (დანყება, შესანირავი, ზიარება) შესავ-ლის სახით. ჟამთა ლიტურგიაში ანტიფონს ფსალმუ-ნის ლიტერატურული ჟანრის განსაზღვრის ფუნქცია აკისრია. ის ფსალმუნს პიროვნულ ლოცვად აქცევს, უკეთ გამოკვეთს საყურადღებო ფრაზას; განსაკუთ-რებულ ჟღერადობას ანიჭებს რომელიმე ფსალმუნს, ვითარებიდან გამომდინარე; ეხმარება ფსალმუნის ტი-პოლოგიურ და სადღესასწაულო ინტერპრეტაციას, სასიამოვნოსა და მრავალფეროვანს ხდის ფსალმუნთა შესრულებას.

**ანტიფონიუმი** [წარმოებულია სიტყვიდან „ანტიფო-ნი“] ლიტურგიული წიგნი, რომელშიც ჟამნისა და წირ-ვის ანტიფონებია თავმოყრილი.

## საბა

## საბა





ვილითა და სიყვარულით. და როცა საქმისადმი ამგვარი დამოკიდებულებაა, წარმატება და კეთილი ნაყოფი უზრუნველყოფილია. ვფიქრობ, საქართველოს სხვა საკრებულოებმაც, და არა მხოლოდ კათოლიკურმა, სხვა ქრისტიანულმა ეკლესიებმაც უნდა გამოიყენონ თავიანთი მრევლის სულიერ ფორმაციაში ამგვარი გამოცდილებები. მით უმეტეს, რომ წეროვანის სულიერების ცენტრი ყველა მსურველს, კონფესიურობის მიუხედავად, ფართოდ უღებს კარებს შეხვედრებისა და კონვენციების ორგანიზებისათვის.

15 აგვისტოს წმ. მარიამის ზეცად აღყვანების დღესასწაული თბილისის კათედრალის მრევლისათვის ორმაგად სასიხარულო ზეიმია. ამ დღეს თითქმის მთელი თბილისის ლათინური წესის კათოლიკეები თავს იყრიან კათედრალურ ტაძარში და, ეპისკოპოსთან და სამღვდელთა დასთან ერთად, აღნიშნავენ დღესასწაულს. წლეულს უკვე მეთერთმეტედ იზეიმეს თბილისელმა კათოლიკეებმა განახლებულ კათედრალში ღვთისმშობლის დღესასწაული, ტაძარი მორწმუნეებს ვერ იტევდა, წმ. პეტრე და წმ. პავლე მოციქულთა საკრებ-



ბულოს წევრებიც წმ. მარიამის ზეიმს მისი სახელობის ტაძარში აღნიშნავენ. იყვნენ სტუმრები იტალიიდანაც. წმ. ნირვის შემდეგ, კათედრალის სამრევლო საბჭომ წირვის ყველა მონაწილე, ტრადიციისამებრ, ტრაპეზზე მიიპატიჟა, სადაც სტუმრებიცა და მასპინძლებიც (მათ შორის, ბევრი მსახურებაში მონაწილეობის მისაღებად აგარაკებიდან იყო ჩამოსული) შთაბეჭდილებებს და სიხარულს უნაწილებდნენ ერთმანეთს. მართლაც, რა კარგად არის ნათქვამი: „რა კარგია და რა საამური, ერთად რომ ცხოვრობენ ძმები“!

**წუხარ გარდავიქცე**

**აჰა, რა კარგია და რა საამური, ერთად რომ ცხოვრობენ ძმები!**

(ფს. 132)

დავითის ფსალმუნის ეს სიტყვები გამოიყენეთ რვა აგვისტოს წეროვანში ჩატარებული კონვენციის დევიზად. მიუხედავად გაუსაძლისი სიცხისა, მართლაც ძალიან კარგი, შინაარსიანი და სულიერად ამაღლებული დღე გავატარეთ მარიამის ზეცად აღყვანების საკათედრო ტაძრის საკრებულომ. აღსანიშნავია, რომ, შარშანდელთან შედარებით, წელს უფრო მეტი მორწმუნე წამოვიდა წეროვანში, და ეს კარგის მანიშნებელია. ტაძარში სიარული, წმ. ნირვებში მონაწილეობა და საიდუმლოებების აღსრულება საკმარისი არ არის მრევლის წევრების დასაახლოებლად. გასული წლიდან ეკლესიის წინამძღვრის, მამა ანდრეი გრაჩევისა და ეპისკოპოს ჯუზეპე პაზოტოს ინიციატივას — საკრებულოს წევრებს ერთი დღე ერთად გაეტარებინათ ბუნების ნიაღში — იმთავითვე მრავალმა მორწმუნემ აუბა მხარი, და ეს ტრადიციად იქცა. ასეთი გასვლები ქალაქგარეთ გვეხმარება ერთმანეთის უკეთ გაცნობაში.

მორწმუნეთა სულიერი ზრდისათვის ძალიან კარგი და სასარგებლო იყო ჯგუფური მონაწილეობა და რწმენაზე დამყარებული საკუთარი გამოცდილება. გულახდილობის ასეთი მომენტები უფრო გვარწმუნებს, რომ თუ ორი ან სამი შევიკრიბებით ქრისტეს სახელით და უფალს მოვიხსენიებთ, ის ჩვენს შორის იქნება.

სახალისო იყო თამაშები, მაგრამ არა ჯგუფური, არამედ ისეთი, რომელშიც მთელი საკრებულო მონაწილეობდა.

მეტად ძვირფასია ერთად ლოცვის დრო, მით უმეტეს ბუნების ნიაღში. საერთო სადღისთვის ყველა მომზადებული წამოვიდა საკუთარი საგზლით. აგაპეზე ურთიერთგამასპინძლების სურვილი უფრო იგრძნობოდა. განსაკუთრებით სასიამოვნო იყო მწვადი და მამა ჯუზეპეს ღვინის დაჭაშნიკება.

მადლობა ეკლესიას, მამა ჯუზეპეს, მამა ანდრეის და ყველა ორგანიზატორს ასეთი მშვენიერი და ნათელი დღისათვის.

იმედია, რომ მომავალშიც ბევრჯერ შევიკრიბებით ძმები ერთად.

**თინა კოპოჩავილი**

**ბავშვთა საზოგადოებრივი ბანაკი ორპირში**

ორპირი იმერეთის პატარა და ლამაზი სოფელია. იგი გადმოჰყურებს ქუთაისის უმშვენიერეს ხედს. ახლაც, როგორც ყოველ წელს, მესხეთის მკვიდრი ბავშვები საზოგადოებრივი ბანაკში წასასვლელად ემზადებოდნენ. ბანაკს ორპირი მასპინძლობდა. ვალეს, ახალციხისა და ბორჯომის საკრებულოს ბავშვები, ლიდერებთან ერთად, დილაადრიანად დავადექით ორპირისკენ მიმავალ გზას.

ორპირი მოსიყვარულე მასპინძელივით შემოგვეგება. მთელი კვირა დატვირთული იყო ინტელექტუალური, სპორტულ-გასართობი ვიქტორინებით. ბავშვები სამჯგუფად დავყავით და ისინი ერთმანეთს დიდი ხალისით ეჯიბრებოდნენ.

ძალიან საინტერესო იყო რაჭასთან სტუმრობა. ნიკორწმინდის ტაძარი მთელი თავისი დიდებულებითა და

სილამაზით შემოგვეგება; შემდეგ შაორის ტბაში ვიბანავით და მეთევზეებთან ერთად ვითევზავით. ამის შემწყურეს, მოციქულთა თევზჭერა დამიდგა თვალწინ.

კვირა დღეს მამა ზურაბ კაკაჩაშვილმა (რომელიც მთელი კვირის განმავლობაში ჩვენს გვერდით იყო) გადამწყვიტა, უფლის დღე ქუთაისის მრევლთან ერთად გვეზეიმა. წმ. ნირვის შემდეგ, ქუთაისის ყოფილი კათოლიკური (დღეს — ხარების) ეკლესია მოვინახულეთ. ამავე დღეს მშვენიერ გელათსა და მონამეთასაც ვესტუმრეთ.

ერთმა კვირამ წამიერად გაიბრინა და შინ ბედნიერი და კმაყოფილი დავბრუნდით.

**თამარიკო ჩიტაშვილი**  
ვალე

**მინისტრანტების მუხუღრა ორპირში**



2010 წლის აგვისტოში, ორპირში ჩატარდა მინისტრანტების მუხუღრა, რომელსაც მ. მიშა სურმაგა ხელმძღვანელობდა. ამ ლამაზ და მნიშვნელოვან ღონისძიებაში მონაწილეობდნენ მინისტრანტები საქართველოს

ყველა საკრებულოდან. ყოველ დღით აღევლინებოდა წმ. ნირვა, რის შემდეგაც იმართებოდა სხვადასხვა თამაშები, მივდიოდით მდინარეზე საბანაოდ... ასევე, ტარდებოდა კონფერენციები, რომელთა ძირითადი თემები იყო: მინისტრანტის როლი ეკლესიასა და საზოგადოებაში, ლიტურგიული წლის დროები, მღვდლის შესამოსელის (ორნატას) ფერთა მნიშვნელობა და მისი შესაბამისობა ლიტურგიულ დროებთან.

იყო მინისტრანტი, ნიშნავს, უჩვენო სხვას მაგალითი სიყვარულისა და მსახურებისა. მადლობა ღმერთს, ასეთი ლამაზი დღეები რომ გვაჩუქა; მადლობა მ. მიშას, რომელიც დაუღალავად შრომობდა და ცდილობდა, გასაგები გაეხადა ჩვენთვის ამ შეკრების მიზანი.

დაე, ღმერთის მაძლი იყოს ყველა მინისტრანტის თანმდევი ყველგან და ყოველთვის, რათა მუდამ ახსოვდეთ, რომ ისინი ეკლესიის სახე და მისი სწავლების დამმონებელნი არიან საზოგადოებაში.

**ლაშა, აბასთუმანი**  
თამაზი, არალი



უღეს ბავშვები ორპირში



არალისა და უღეს ბავშვები ორპირში

# მათხულის რვა დაუვინყარი დღე და ანიმატორების პირველი გამოსვლი

ყოველი დღე ღვთის სიყვარულითა და მადლითაა გაჯერებული, მისი მონყალეუბა უსაზღვროა, მთავარია, ვუსმინოთ მის ხმას, მივყვეთ მას და მადლობა შევნიროთ ჩვენი ცხოვრების თითოეული უმნიშვნელო თუ მნიშვნელოვანი მომენტისათვის.

წელს, ჩვენ, ვალეს, ახალციხის, ხიზაბავრისა და თბილისის დამწყებ ანიმატორებს, საშუალება გვქონდა, კიდევ ერთხელ გვეგრძნო ღვთიური მადლის ძალა ჩვენს ცხოვრებაში და მიგველო არაჩვეულებრივი ანიმატორული გამოცდილება.

16 ივლისს ყველანი ერთად გავემგზავრეთ ხიზაბავრაში, სადაც ძალიან თბილი და სიყვარულით სავსე შეხვედრა მოგვინყვეს ჩვენმა მასპინძლებმა და უცხოელმა მოხალისეებმა, რომლებიც დონ ბოსკოს დების, ტერეზას, კარინასა და რენატას ხელმძღვანელობით ჩამოვიდნენ ბელგიიდან და ავსტრიიდან, საკუთარი ანიმატორული გამოცდილების გასაზიარებლად. ერთმანეთის გაცნობის შემდეგ, ძალიან საინტერესო და მხიარული საქმიანობის შესწავლას შევუდექით. გოგონები ისეთი მონდომებითა და ხალისით გვიხსნიდნენ ყველაფერს, რომ, მიუხედავად დროის სიმცირისა, ყველაფერი ძალიან მალე ავითვისეთ და მზად ვიყავით, ჩვენი ცოდნა პრაქტიკულად განგვეხორციელებინა.

უცხოელი მოხალისეები ისეთი მეგობრულეები და უშუალოები აღმოჩნდნენ ურთიერთობაში, რომ ძალიან მალე დავმეგობრდით და სამი დაუვინყარი დღე ვაჩუქეთ ერთმანეთს. ამ სამმა დღემ იმდენად დაგვაახლოვა ერთმანეთთან, რომ ძალიან გავკვირდნა განშორება.

პროექტის შემდეგი გეგმა ჩვენი, ანუ დამწყები ანიმატორების, ცოდნის გამოცდა იყო. მონაზვნებმა ოთხ გუნდად დაგვყვეს და საქართველოს ოთხ კუთხეში: ხიზაბავრაში, ქუთაისში, ახალშენსა და ხიზაბავრაში (კა-



ხეთი) მიგვაგვლინეს. ჩვენი მოვალეობა იყო, ბავშვებთან ერთად მოგვეწყო ოთხდღიანი ორატორიუმი, გვეთამაშა მათთან ერთად და მრავალი საინტერესო ღონისძიება დაგვეგეგმა.

მე, პირადად, კახეთის ხიზაბავრაში გავემგზავრე, სამსხვა ქართველ გოგონასთან, ოთხ უცხოელ მოხალისესთან და და კარინასთან ერთად. დარწმუნებული ვარ, და ჩემი თანაგუნდელებიც დამეთანხმებიან, რომ ეს ოთხი დღე მართლაც დაუვინყარი და განუმეორებელი შთაბეჭდილებებით სავსე გამოდგა: კახელი ხალხის სითბო და სიყვარული, ულამაზესი ბუნება, უსაყვარლესი ბავშვები, რომლებთანაც მუშაობა ყველას მართლა ძალიან გვიხაროდა, და, რა თქმა უნდა, ჩვენი უცხოელი მოხალისეები, რომლებიც სამუდამოდ დარჩებიან ჩვენს მეხსიერებაში.

ორატორიუმის გახსნის დღეს, ძალიან ვღელავდით, რადგან არ ვიცოდით, მოვიდოდნენ თუ არა ბავშვები, დაინტერესდებოდა თუ არა ვინმე ჩვენი პროექტით, თუმცა ჩვენ მხოლოდ ერთი ბავშვის მოსვლის შემთხვევაშიც ვაპირებდით მუშაობას. ვერ წარმოიდგენთ, რა დიდი იყო სიხარული, როდესაც ეკლესიის ეზოში შეკრებილი ოცდაათხუთმეტი-ორმოცი ბავშვი დავინახეთ (სურათი იხილეთ ჟურნალის გარეკანის წინა ყდაზე).

ოთხი დაუვინყარი დღე გავატრე კახეთში. ახლად შეძენილ მეგობრებთან გამომშვიდობება მართლაც ძალიან ძნელი და ემოციებით აღსავსე იყო. კახეთიდან წამოსვლის შემდეგ, სანამ თბილისში დავბრუნდებოდით, ჩვენს სტუმრებთან ერთად, სიღნაღს ვენვიეთ. სიყვარულის ქალაქის შეუდარებელი სილამაზითა და მშვენიერებით მოხიბლული უცხოელები აღტაცებას ვერ მალავდნენ. სიღნაღის შემდეგ, ბოდბეს ვესტუმ-



რეთ, რომელიც არანაკლები სილამაზით გამოირჩევა; ჩვენი სტუმრები აღტაცებაში მოიყვანა საქართველოს ამ ულამაზესი კუთხის ხილვამ და მათ მართლაც ძლიერ შეაყვარა საქართველო და ქართველები.

მინდა, დიდი მადლობა მოვახსენო ყველას, ვინც ამ პროექტის განხორციელებას შეუწყო ხელი, ძალიან დიდი მადლობა ხიზაბავრის, ქუთაისის, ახალშენისა და კახეთის სამრევლოებს გულუხვი მასპინძლობისათვის.

უღრმესი მადლობა მონაზვნებს: ტერეზას, კარინასა და რენატას.

დიდი მადლობა ჩვენს უცხოელ მეგობრებს, დიდი სიყვარულით მინდა, მოვიკითხო და ვუთხრა, რომ ისინი მუდამ დარჩებიან ჩვენს გულელებში.

და ბოლოს, მინდა, დიდი წარმატება გისურვოთ ყველას, ვინც წელს ეს კურსი ჩვენთან ერთად გაიარა, და გითხრათ, რომ ძალიან მიყვარხართ!

ღმერთი იყოს ჩვენი მფარველი!

ქათი ჩიტაშვილი

ვალე

# იტალიელი მოხალისეები არალის საკრებულოს ბავშვებთან

„იყავით, როგორც ბავშვები“  
მათი, 18, 3.

„იყავით, როგორც ბავშვები“, — სახარების ეს შეგონება იყო სოფელ არალში ჩამოსული ხუთი ახალგაზრდა იტალიელი მოხალისის მისიის მიზანი. იტალიელთა მცირერიცხოვან, მაგრამ აქტიურ ჯგუფს საკმაოდ დიდი ენთუზიაზმი აღმოაჩნდა. მათი წევრების აქტიურობა და დაუღალავი შრომა პირველივე დღეს გამოიკვეთა. ისინი სიხარულით შეხვდნენ არალელ ბავშვებსა და ანიმატორებს. ჩვენი მეგობარი იტალიელები აღფრთოვანებულნი იყვნენ ამ სოფლის მკვიდრთა სტუმართმოყვარეობითა და ტრადიციებით. მოგესხენებათ, ქართველები მთელ მსოფლიოში არიან ცნობილი თავიანთი სითბოთი და სიყვარულით. განთქმულია ასევე ქართული სუფრა, ქართული ღვინო. არც ჩვენი იტალიელი ახალგაზრდები აღმოჩნდნენ გამონაკლისნი და ყოველივე ამით ისინიც მოიხიბლნენ.

არალში ყველა, ბავშვი თუ მოზრდილი, ქართველი თუ იტალიელი, სიყვარულისა და მეგობრობის გრძობით იყო გამსჭვალული. ეს კი იტალიელების მუშაობასა და არალის მკვიდრთა სტუმართმოყვარეობას მეტ ხალისს მატებდა. იტალიელები დაუღალავად შრომობდნენ, ასწავლიდნენ ბავშვებს თამაშებს, როგორც შემეცნებით, ასევე სპორტულს, დგამდნენ სპექტაკლებს. მათი გული ყველასთვის ღია იყო. არალელმა ბავშვებმა ბევრი რამ ისწავლეს იტალიელთაგან, თავის მხრივ, მათ იტალიელებსაც გაუზიარეს თავიანთი ცოდნა.

ბოლოს დადგა გამომშვიდობების დროც და იტალი-

ელი ახალგაზრდები ხიზაბავრისკენ გაემშურნენ. ჩვენ კი დავგრჩა იმის იმედი, რომ ისინი კვლავაც დაბრუნდებიან ჩვენთან.

ჩვენთვის, ქრისტიანებისთვის, მთავარია სიყვარული და მადლიერება, ეს კი გვეხმარება ცხოვრებაში ჩვენი ადგილის დამკვიდრებაში.

უდიდესი მადლობა ღმერთს, რომელმაც ერთად ყოფნის საშუალება მოგვცა; მადლობა მ. მიშას, რომე-



ლიც დიდი მონდომებით ზრუნავდა არალში იტალიელთა ჩამოსვლისა და მათი ჯეროვანი დახვედრისათვის. მადლობა იტალიელ მოხალისეთა ჯგუფის წევრებს: ელიზაბეტას, ლაურას, ლორენცოს, ჯუზეპეს, ფაბიოსა და ირენეს. დიდი მადლობა არალელ ანიმატორებს: ანუკის, თაკოს, შოთასა და ფატის. მადლობა ოვსეებს, რომელიც შესანიშნავი თარჯიმანი იყო. მადლობა მათ, ვინც ზრუნავდა სტუმართა კვებასა და დაბინავებაზე; განსაკუთრებული მადლობა კი იმ ბავშვებს, რომლებმაც ერთგულებითა და სიყვარულით შეასრულეს მათზე დაკისრებული მოვალეობა.

P.S. მთელი არალის საკრებულოს სახელით, ელიზაბეტას ვულოცავთ გაბედნიერებას. მასა და მის მეუღლეს ვუსურვებთ დიდ სიხარულს, ბედნიერებას, ღვთის წყლობასა და დიდხანს სიცოცხლეს. იმედია, მომავალ წელს ის თავის მეუღლესთან ერთად ჩამოვა საქართველოში.

არალის ახალგაზრდები





# დაუპიწყარი ღლეგი ხიზაბავრაში

ლიან დაგვეხმარა კიდევ მამა აკაკის მიერ მოწყობილი ექსკურსია ვარძიაში და ლაშქრობები; ხიზაში მხოლოდ ნასახლარები და ვიხილეთ. შემდეგ ვარგაში გავემგზავრეთ; მიუხედავად გრძელი, დაუმთვრებელი და დამლელი გზისა, მაინც ხალისიანად მივალნიეთ ადგილამდე და ფერისცვალების დღესასწაული მივულოცეთ მრევლს.



2010 წლის 2 აგვისტოს, გორის წმ. ოჯახისა და ახალხიზის წმ. ანდრია პირველწოდებულის სახელობის რომაულ-კათოლიკურ სამრევლოთა ახალგაზრდებსა და მათ მართლმადიდებელ მეგობრებს, მამა აკაკისთან ერთად, ერთი კვირით უმასპინძლა „კამპოსკოლამ“, ასპინძის ხიზაბავრაში.

ახალგაზრდების უმრავლესობა პირველად იყო სამცხე-ჯავახეთში. ჩვენ ვცდილობდით, მაქსიმალურად აგვეთვისებინა ყოველივე კარგი და საინტერესო ამ მეთად მდიდარი ისტორიის მქონე მიწაზე, რაშიც და-



განსაკუთრებით მნიშვნელოვანი იყო ახალხიზელეების (გორის რაიონი) სტუმრობა ხიზაბავრაში, ვინაიდან მათი ფესვები სწორედ აქედანაა, ბევრმა მათგანმა გაიცნო ნათესავები და გაიგო საკუთარი გვარის ისტორია, წარმომავლობა. მოსახლეობაც მოდიოდა და თავის მოგვარეებს ეძებდა ჩვენს შორის.

ერთიმეორეზე კიდევ უფრო ლამაზი დღეები მისდევდნენ ერთმანეთს და ჩვენი წამოსვლის დღეც — 7 აგვისტო ჩუმად მოგვეპარა. ემოციებით დატვირთულებმა და სიყვარულით აღვსილებმა, დავტოვეთ ხიზაბავრის „კამპოსკოლა“ იმ იმედით, რომ იგი კვლავ მალე გვიმასპინძლებს.

დიდი მადლობა ყველა იმ პიროვნებას, ვინც ეს ლამაზი დღეები გვაჩუქა და დაგვეხმარა, აღმოგვეჩინა სულ სხვა საქართველო სამცხე-ჯავახეთის სახით.

**მაია ხშიადაშვილი**

## თორმეტი შეკითხვა იესოს შესახებ

### 3. იესო იყო წინასწარმეტყველი თუ მესია?

იესო იყო წინასწარმეტყველიც და მესიაც. ბევრ აქრისტიანულ რელიგიას იესო მიაჩნია წმიდა და პატივსაცემ წინასწარმეტყველად. ქრისტიანებსაც, თუმცა სჯერათ, რომ იგი წინასწარმეტყველი იყო, ამავე დროს, სწამთ, რომ იესო ბევრად მეტი იყო, ვიდრე წინასწარმეტყველი. წინასწარმეტყველი არაა ბედის ამომცნობი, ვინც ბროლის ბურთულას, ან ყავის ჭიქას, ან ტაროს კარტებს ჩაჰკირკიტებს. წინასწარმეტყველი იშვიათად, შემთხვევიდან შემთხვევამდე, წინასწარ განჭვრეტს მომავალს, მაგრამ მისი მთავარი დანიშნულება და საქმეა სწავლება; ეს იმას ნიშნავს, რომ იგი ელაპარაკება ხალხს ღმრთის სახელით.

კათოლიკე ეკლესია იესოს მიიჩნევს ერთდროულად მღვდლად, წინასწარმეტყველად და მეფედ. ამათგან ან ერთი, ან მეორე, ან მესამე იესომდე სხვებიც იყვნენ ან შეეძლოთ ყოფილიყვნენ, მაგრამ მხოლოდ და მხოლოდ ერთი მათგანი და ისიც გარკვეული დროის მანძილზე. მღვდლები მსხვერპლს სწირავდნენ, წინასწარმეტყველები მოძღვრავდნენ, ხოლო მეფეები მართავდნენ.

მღვდლებს ძღვნად მიჰქონდათ მსხვერპლი ტაძრებში, იესომ კი უმაღლესი მსხვერპლი შესწირა საკუთარი თავის სახით ჯვრის საკურთხეველზე. იგი იქცა მღვდლად (ესე იგი, მსხვერპლის მიმტნად) და მსხვერპლად (ესე იგი, ვინც მსხვერპლად არის შეწირული).

მეფეებს აქვთ ავტორიტეტი. ისინი მართავენ თავიანთ ქვეშევრდომებს და თავის მიწა-წყალს. იესო ლაპარაკობდა ღმრთის სასუფეველისა და ზეციური სამეფოს შესახებ. მას ფლობდა ავტორიტეტს უწმიდურ სულთა და ფიზიკურ უძლერებათა მიმართ. იგი უბრძანებდა მკვდრებს, აღდგინებულიყვნენ და ასეც ხდებოდა. იგი ამბობდა, რომ მისი სამეფო არ ეკუთვნის ამ ქვეყანას.

წინასწარმეტყველნი ასწავლიდნენ და ლაპარაკობდნენ ღმრთის სასარგებლოდ. იესო მოძღვრავდა სინაგოგებში, ტაძრებში, ქალაქებსა და დასახლებებში. იგი ქადაგებდა მოწყალებისა და პატიების უწყებას. იგი ამბობდა, რომ მამამ გამოგზავნა იგი, რათა ელაპარაკა, როგორც ყველა წინასწარმეტყველი მეტყველებდა მის მოსვლამდე. ერთადერთი განსხვავება ის იყო, რომ იესო, როგორც ძე ღმრთისა, ერთიანი იყო მამა ღმერთთან. ჭეშმარიტებისა და მადლის სისრულე გამოცხადებული იქნა იესოს მიერ, — ამდენად, აღარ იყო არავითარი საჭიროება, იესოს შემდეგ კიდევ გამოჩენილიყვნენ წინასწარმეტყველნი.

ჩვენ მივმართავთ იესოს, როგორც მესიას, რაც ებრაულად ნიშნავს „ცხებულს“. ბერძნებმა გამოიყენეს სიტყვა „ქრისტე“, რასაც იგივე მნიშვნელობა აქვს. ამდენად ქრისტე ნიშნავს „ცხებულს“ ან მესიას. ქრისტე იყო არა გვარი, არამედ წოდება, როგორც მაცხოვარი ან მხსნელი.

*მასალა მოამზადა  
მირაზ ღალანძიძემ*

## ოჯახური ძალადობა

„ქმარმა ჯეროვანი პატივი უნდა სცეს ცოლს, აგრეთვე ცოლმაც ქმარს“ (1კორ. 7,3), — ეს გვაფიქრებინებს, რომ ქმარმა არ უნდა იბატონოს ცოლზე. მეუღლეებს შორის უნდა იყოს თანასწორობა და ურთიერთთანხმობა. „ისინი უკვე ორნი კი აღარ არიან, არამედ ერთი ხორცი“ (მათ. 19,6).

სახალხო დამცველის სამსახურის მიერ ორგანიზებულ შეხვედრაზე, ძალადობის წინააღმდეგ საზოგადოების გააქტიურების სტრატეგიის შემუშავების მიზნით, მრგვალ მაგიდასთან შეიკრიბნენ არასამთავრობო და სამთავრობო ორგანიზაციები, სხვადასხვა ეთნიკურ და რელიგიურ თემთა წარმომადგენლები; კიდევ ერთხელ მოვისმინეთ საქართველოში ოჯახური ძალადობის ფაქტების გამოვლენის მზარდი რაოდენობის შესახებ და, რომ, სულ უფრო მეტი ქალი და ბავშვი მიმართავს დახმარებისთვის ძალადობის მსხვერპლთა თავშესაფრებს.

მიუხედავად იმისა, რომ კონვენცია, ქალთა ყველა ფორმის დისკრიმინაციის აღკვეთის შესახებ, ხაზს უსვამს ადამიანის ღირსებას, პიროვნების ღირებულებას და ქალთა და მამაკაცთა თანასწორუფლებიანობას, შემაშფოთებელია საქართველოში ოჯახური ძალადობის შესახებ სახალხო დამცველის სამსახურის მიერ ჩატარებულ ეროვნული კვლევის შედეგები: გამოკითხულთა 70% თვლის, რომ ეს სფერო არ უნდა სცილდებოდეს ოჯახის ფარგლებს; თუ ქალს ოჯახის შენარჩუნება სურს, უნდა მოითმინოს კიდევ; 30% ამართლებს ქალთა მიმართ ძალის გამოყენებას და თვლის, რომ თუ ქალს სცემენ, მან ეს დაიმსახურა.

ოჯახში ძალადობის მიზეზი მრავალგვარია: — კულტურული: მოსაზრება, რომ მამაკაცი ყოველთვის უნდა ბატონობდეს ქალზე. ღირებულებები, რომლებიც მამაკაცს ქალსა და გოგონაზე მესაკუთრის უფლებებს აძლევს. ძალადობა — კონფლიქტის გადასაჭრელად მისაღები მეთოდი და ა.შ.

— ეკონომიკური: ქალის ეკონომიკური დამოკიდებულება მამაკაცზე, დასაქმების ნაკლები პერსპექტივა და ა.შ.

— პოლიტიკური: ქალების ნაკლები წარმომადგენლობა სამართალდამცავ ორგანოებში და ა.შ.

ადამიანის უფლებათა საყოველთაო დეკლარაცია აღიარებს, რომ ადამიანები თავისუფლები, ღირსებითა და უფლებებით თანასწორნი იბადებიან, და რომ ადამიანი უნდა იყენებდეს ყველა ამ უფლებასა და თავისუფლებას, ყოველგვარი, მათ შორის, სქესობრივი, განსხვავების გარეშე.

შეხვედრაზე აღინიშნა, რომ აშშ-ი კარგად შემუშავებული დამცავი მექანიზმები არსებობს ოჯახურ ძალადობასთან დაკავშირებით, მაგრამ ეს არ ამცირებს ძალადობის ფაქტების რაოდენობას. ეს აზრი გვაფიქრებინებს, რომ დიდი ყურადღება უნდა მიექცეს პრევენციულ ღონისძიებებს — აღზრდას, ფორმაციას, მენტალობაზე მუშაობას, ქრისტიანული ოჯახის საფუძვლების შესწავლას, რასაც, უკვე დიდი ხანია, ორგანიზებულად ახორციელებს კათოლიკური ეკლესია, კერძოდ, საქართველოში. ეს გამოიხატება სხვადასხვა ღონისძიებაში, როგორცაა: ახალგაზრდების ფორმაცია, ჯვრისწერისათვის მომზადება და ქორწინებაში მყოფი წყვილებისთვის კამპოსკოლების ორგანიზება, რათა ოჯახი ცხოვრობდეს ქრისტიანული სწავლების შესაბამისად.

**ნანა ნიჭიერიძე**

# საარქივო მასალები

გამალიელ გამრეკელი სწერს, რომ „ვისრამიანი“ მეფის თამარის დროს არის ქმნილი დილარგეთის ბრძნის დავით საათაბაგოელისაგანო, მშვენიერს ენაზე. აქამდე ჩვენში ცნობილი იყო, რომ „ვისრამიანი“ სარგის თმოგველის დაწერილიაო. ყველას ასე სწამდა, მაგრამ ის კი გვაზივნიდებოდა, რომ რაც სარგის თმოგველს დაუწერია, იმას „ვეფხისტყაოსანიც“ ამტკიცებს, მაგალითად იქ მოხსენებულია: „დილარგეთს სარგის თმოგველსა, მას ენა დაუშრობელსა“. ესე იგი „დილარიანი“ სარგის თმოგველსა დასწერაო. გამალიელ არქიმანდრიტმა ბევრი ცნობა შემოიტანა ჩვენს ძველი მწერლობის ისტორიაში, მაგრამ უამთა ვითარებამ დაფარა მისი შრომა. დღეს მხოლოდ მცირე ცნობა სჩანს დარჩენილი. გამალიელ გამრეკელი იყო დაახლოებული პირი პატრი ფილიპესი, პატრი ნიკოლასი და ამათგან დოსტაქრობა და ჯარაექიმობაც ჰქონია შესწავლილი. ამ გამალიელ გამრეკელის შთამომავალი არიან დღევანდელი ქართველი მნიგნობარნი ნიკოლოზ და ანდრია გამრეკელი. ნიკოლოზი ჩვენს მწერლობაში ცნობილი პიროვნებაა, მან ბევრი სწერა საქართველოს ძველი დროის ისტორიის შესახებ, ბევრი შესანიშნავი მასალები შემოიტანა ჩვენს ისტორიაში, სხვათა შორის, ამის შრომა საბა ორბელიანის „ლექსიკონის“ და ქართველი პატრების შესახებ ჩინებულ მასალად უნდა ჩაითვალოს, საინტერესოა ამის მოსაზრება და სიტყვა „ლექსია-კონაზე“. მას დიდი წარმოდგენა ჰქონდა ქართველ პატრებზე და აცხადებდა, რომ ევროპის ერთა სიტყვა „ლექსიკონი“ ქართული სიტყვა „ლექსია-კონიდან“ წარმოსდგაო, რომელ სიტყვაც ქართველთა პატრებმა ევროპის ერში შუა საუკუნეებში შეიტანეს და გაავრცელესო. ნიკოლოზ გამრეკელი გარდაიცვალა 60 წლებს მიღწეული 1896 წელს და როგორც ვიცით მას ბევრი საინტერესო მასალებიც დარჩა დაუბეჭდავი.

პატივცემულ პატრების მეოხებით რომი მიხვდა საქართველოს ერის ვითარებას, საქართველოს ერის შესახებ იმდენი მიწერ-მოწერა არას დროს არ ყოფილა რომში დაწეული, რამდენიც 1740 წლის შემდეგ. აშკარად დაინახეს, რომ საქართველოში ისე არაფერი იყო საჭირო, როგორც ექიმობა, რადგან აქ ექიმობა დაცემული იყო XIV საუკუნის შემდეგ. საქართველოში საჭირონი იყვნენ ექიმები, ექიმობის მცოდნე მოძღვარნი, დღეის შემდეგ უნდა მოსულიყვნენ საკმარისად დახელოვებული მოძღვარნი, რომლებიც ექიმობის ცოდნით იმ დროის ევროპის მსწავლულ ექიმებთან არაფრით უნდა გარჩეულიყვნენ. ამიტომ რომიდან მალე გამოგზავნეს ასეთი მსწავლულ მოძღვარ მამები და უკანას-

კნელ ამათგანი იყო პატრი ანდრია, ცნობილი ექიმი, პატივცემული პიროვნება. პატრი ნიკოლა, ცნობილი დოსტაქარი, ხოლო უკანასკნელი პატრი ფილიპე. პატრი ანდრია დიდად სახელოვანი იყო საქართველოში, როგორც მოძღვარი, ექიმი და წამლების მკეთებელი, იცოდა ზედმინევენი ქართული ენა. მეფე ერეკლეს თხოვნით მან სთარგმნა ქართულ ენაზე სხვა და სხვა სატიკვრების „კარაბადიმები“, მეფემ მას გაუკეთა სახლი, მოუპოვა წამლების საკეთებელი იარაღები, ექიმობის იარაღები და სხვაც ბევრი საჭირო რამ, წელიწადში ჯამაგირად 400 მანეთს იღებდა, იმ დროის კვალობაზე დღეს ეს ფული კაი რიცხვს უწევს.

პატრი ანდრია ჩვენს ძველ მწერლობაში ქებულია მრავალთაგან და „კალმასობა“-შიაც მოიხსენიებენ ქებით. მე ვფიქრობ, რომ იტალიური ენიდან ნათარგმნი „ვრცელი კარაბადიმი“ ამის ნათარგმნი უნდა იყოს, აგრეთვე „შემოკლებული კარაბადიმიც“ ამ მოძღვარის რჩევით სხვა და სხვა მსწავლულთ და ლათინური ენის მცოდნე ქართველთ ლათინური ენიდან ბევრნაირი წიგნები უთარგმნიათ, საღმრთო შინაარსისაჲც კი, ამას ცხადად მოწმობენ მეთვრამეტე საუკუნეში ლათინური ენიდან ქართულ ენაზე ნათარგმნი წიგნები. ასეთი თარგმანი ჩვენს ძველ მწერლობაში მრავალია. მათში ბევრიც საინტერესოა. პატრი ანდრიას დროსვე მოვიდა საქართველოში დიდად განვითარებული პატრი ნიკოლა, გვარად რუტილიანოვი, იტალიელი. ნიკოლას საქართველოში მოსვლის დღიდან იწყება ქართველ კათოლიკეთა ახალი ცხოვრების და მოძრაობის ხანა. საქართველო რომს უახლოვდება და ასევე რომი ყურადღებას აქცევს საქართველოს. დაისვა საკითხი თბილისის ლათინური წესის ძველი ხარების ეკლესიის კათოლიკეთათვის წართმევის ფაქტის გამოძიების შესახებ. ეს ძველი ხარების ეკლესიის შენობა თბილისის კათოლიკეებს 1714 წელს დაუწყიათ და მალე დაუმთავრებიათ.

საბა ორბელიანი რომიდან კათოლიკის სარწმუნოებით დაბრუნდა. ამ ამბავმა ააღელვა საქართველოს სამღვდლოების ზოგიერთი პირი და მათი წაქეზებით ზოგმა ქართველმა ეს ეკლესია 1717 წელს მთლად დააქციეს, 1721 წელს ეკლესია კვლავ განაახლეს, მაგრამ 1750 წელს იგი კვლავ დააქციეს ქართველებმა და სომხებმა და ეკლესიის ნაშთებიც თვით მიისაკუთრეს. კათოლიკენი რომის დახმარებით ითხოვდნენ ამ ეკლესიის დაბრუნებას, მაგრამ ქართველებმა ეს არ ინებეს! ქართველთ განაცხადეს: დიდმა ხანმა განვლო მას შემდეგ, რაც ჩვენ დავიკავეთ ეს ეკლესიაო. მეფე გიორგისაც არ უნდოდა ეკლესიის დაბრუნება, რადგან მას სასტიკად სძულდა კათალიკოსი ანტონი, სძაგდა პატრებიც, მხოლოდ პატივს სცემდა მათ როგორც სუფთა, ჭკვიან მოძღვრებს. მეფე გიორგიმ დამიანე ანკოლელს თამამად უთხრა, რომ მე კათოლიკობა მძულსო, მაგრამ პატრებს კი პატივს ვცემ, როგორც ღირსეულ მოძღვართო. დღეს თბილისში ხარების ქართველთ ეკლესია არავის აღარ ახსოვს, რადგან მისი ქვაც კი აღარ არის დარჩენილი. ადრე კი თურმე ბრწყინავდა ეს ეკლესია რომში ნახატი ხატებით და მორთულობით.

(წიგნიდან, პატრი ნიკოლა, როგორც ექიმი, მის დროის ქართველ კათოლიკენი საქართველოში. თბილისი. სტამბა ექვთიმე ხელაძისა. სტილი დაცულია)

## საქართველოს ათოლიკეთა ახალგაზრდების საზო



### მესხეთის ახალგაზრდები ბათუმში

აჭარა საქართველოს ულამაზესი მხარეა: ზღვა, ბულვარი, ლაჟვარდოვანი სანაპირო. შეუძლებელია, აუღელვებლად შეხედო ამ ყველაფერს.

დიდი სითბოთი და სიხარულით შემოგვეგება ხელვაჩაურის „იმედის სახლი“ ვალეს, ივლიტას, ახალციხის, არალისა და უდეს ახალგაზრდებს.

დაიწყო სამკვირიანი, საინტერესო და გასართობი ცხოვრება ახალგაზრდებისათვის; ვმადლობდით უფალს ერთად ყოფნისა და მშვენიერი ამინდის გამო. მამა მიშა სურმავეა, რომელიც ჩვენზე პასუხისმგებელი იყო, ყოველდღიურად გვთავაზობდა სხვადასხვა თემებს, რომლებზედაც ჯგუფებში იმართებოდა აქტიური და ნაყოფიერი დისკუსიები. დისკუსიის მიზანი იყო, ყველა ჩავლრმავებოდი საკუთარ თავს, დაგვესვა ის კითხვები, რაც გვანუხებდა და გვალეღვებდა: ვინ ვარ მე? საიდან მოვდივარ? რა არის საზოგადოება და რა ადგილი მიჭირავს მე მასში? დისკუსიაზე ყველას საშუალება გვეძლეოდა, გამოგვეთქვა საკუთარი მოსაზრებები იმ ძირითადი თემების ირგვლივ,



როგორცაა მეგობრობა, ურთიერთგაგება.

წელს ბანაკში ას ოცდახუთმა ახალგაზრდამ სამ ნაკადად დაისვენა ზღვაზე. ჩვენ საკმაოდ დიდი გამოცდილება მივიღეთ, გამტკიცდა ჩვენი რწმენა და დამოკიდებულება ეკლესიის მიმართ.

გვინდა, უდიდესი მადლობა შევნიროთ ჩვენს უფალს, იესო ქრისტეს ამ ნათელი დღეებისათვის; დიდი მადლობა „საქართველოს კარიტასს“ და მის დირექტორს მ. ვიტოლდ შულჩინსკის, მადლობა მ. მიშა სურმავეს, რომელიც ჩვენთვის მამაცაა და ძმაც და ყოველთვის ერთგულია იმ მისიისა, რომელიც

ღმერთმა უბოძა. მადლობა ყველა ახალგაზრდას, რომლებმაც მონაწილეობა მიიღეს კამპოსკოლაში. ვიმედოვნებთ, რომ გამოცდილებას და სიყვარულს, რომელიც მივიღეთ, ყველას გავუნანილებთ, განსაკუთრებით მათ, ვინც ამას საჭიროებს, რადგან მხოლოდ სიყვარული გადაარჩენს სამყაროს.

#### მესხეთის ახალგაზრდები

<b>სარჩევი</b>	
რედაქციის გვერდი.....	2
კათოლიკე ეკლესია	
მსოფლიოში .....	3
კათოლიკე ეკლესია	
საქართველოში .....	5
კათოლიკური პასუხი .....	15
სოციალური პრობლემები.....	15
საარქივო მასალები .....	16
ახალგაზრდული გვერდი .....	17
საგანგებო ჩანართი .....	I-VI

**რედაქცია:**  
 მამა გაბრიელ ბრაგანტინი  
 ნუგზარ ბარდაველიძე  
 ნატო ბიგვაია  
 ვერიკო ნოზაძე  
 მერაბ ღალანძე  
 ზაზა შათირიშვილი  
 ციციხო შათირიშვილი

**მისამართი:**  
 თბილისი, ვია აბესაძის ქ. №4  
 ტელ.: 98-95-16  
 რეგისტრაციის № 1853  
 დაარსდა 1994 წ.  
 მანანა ანდრიაძის მიერ  
 © „საბა“, 2010



წეროვანი, 14 აგვისტო – ახალგაზრდული შეხვედრა

